

校本

七祖聖教

南

183  
3  
218

東京圖書館

和書門

新書類

二八九函

五七架

三八號

三冊

明治十二年三月發兌

南條神興校正

# 七祖聖教

京都書林

六書堂藏版

七祖聖教卷上

## 目錄



住界後安論易行品  
後出阿彌陀偈

讚阿彌陀佛偈

畧論安樂淨土義

安樂集

七祖聖教上目錄

十住毘婆沙論卷第五

聖者龍樹造

後秦龜茲國三藏鳩摩羅什譯

易行品第九

問曰是阿惟越致菩薩初事如先說至阿惟越致地者行諸難行久乃可得或隨聲聞辟支佛地若爾者是木衰患如助道法中說

若隨聲聞地

及辟支佛地

是名菩薩死

則失一切利

若隨於地獄

不生如是畏

若隨二乘地

則為大怖畏

隨於地獄中

畢竟得至佛

若隨二乘地

畢竟遮佛道

佛自於經中

解說如是事

如人貪壽者

斬首則大畏

菩薩亦如是

若於聲聞地

及辟支佛地

應生大怖畏

是故若諸佛所說有易行道疾得至阿惟越致地

方便者願為說之答曰如汝所說是憊弱怯劣無

有大心非是丈夫志幹之言也何以故若人發願

欲求阿耨多羅三藐三菩提未得阿惟越致於其

中間應不惜身命晝夜精進如救頭燃如助道中說

菩薩未得生

阿惟越致地

應常勤精進

猶如救頭燃

荷負於重擔

為求菩提故

常應勤精進

不生懈怠心

若求聲聞乘

辟支佛乘者

但為成己利

常應勤精進

何況於菩提

自度亦度彼

於此二乘人

億倍應精進

行大乘者佛如是說發願求佛道重於舉三千大

千世界汝言阿惟越致地是法甚難久乃可得若

有易行道疾得至阿惟越致地者是乃怯弱下劣

之言非是大人志幹之說汝若必欲聞此方便今

當說之佛法有無量門如世間道有難有易陸道

佛法行出  
下字行出  
然右抄行  
作勸行  
無越致地

若人巳  
下七十  
二字同  
上抄出

步行則苦水道乘船則樂菩薩道亦如是或有勤  
行精進或有以信方便易行疾至阿維越致地者  
如偈說

東方善德佛 南稱檀德佛 西無量明佛

北方相德佛 東南無憂德 西南寶施佛

西方華德佛 東北三乘行 下方明德佛

上方廣眾德 如是諸世尊 今現在十方

若人疾欲至 不退轉地者 應以恭敬心

執持稱名號 若菩薩欲於此身得至阿惟越致地成阿耨多羅

三藐三菩提者應當念是十方諸佛稱其名號如  
寶月童子所問經阿惟越致品中說佛告寶月東  
方去此過無量無邊不可思議恒河沙等佛土有  
世界名無憂其地平坦七寶合成紫磨金縷交絡  
道界寶樹羅列以為莊嚴無有地獄畜生餓鬼阿  
修羅道及諸難處清淨無穢無有沙磧瓦石山陵  
埵阜溪坑幽壑天常雨華以布其地時世有佛號  
曰善德如來應供正遍知明行足善逝世間解無  
上士調御丈夫天人師佛世尊大菩薩眾恭敬圍  
繞身相光色如然大金山如大珍寶聚為諸大眾

演說正法初中後善有辭有義所說不雜具足清淨如實不失何謂不失地水火風不失欲界色界無色界不失色受想行識寶月是佛成佛已來過六十億劫又其佛國晝夜無異但以此間閻浮提日月歲數說彼劫壽其佛光明常照世界於一說法終無量無邊千萬億阿僧祇眾生住無生法忍倍此人數得往初忍第二第三忍寶月其佛本願力故若有他方眾生於先佛所種諸善根是佛但以光明觸身即得無生法忍寶月若善男子善女人聞是佛名能信受者即不退阿耨多羅三

藐三菩提餘九佛事皆亦如是今當解說諸佛名號及國土名號善德者其德淳善但有安樂非如諸天龍神福德或惱眾生稱檀德者南方去此無量無邊恒河沙等佛土有世界名歡喜佛號稱檀德今現在說法譬如稱檀香而清涼彼佛名稱遠聞如香流布滅除眾生三毒火熱今得清涼無量明佛者西方去此無量無邊恒河沙等佛土有世界名善解佛號無量明今現在說法其佛身光及智慧明照無量無邊相德佛者北方去此無量無邊恒河沙等佛土有世界名不可動佛名相德今

現在說法其佛福德高顯猶如幢相無憂德者東  
南方去此無量無邊恒河沙等佛土有世界名月  
明佛號無憂德今現在說法其佛神德矜諸天人  
無有憂愁寶施佛者西南方去此無量無邊恒河  
沙等佛土有世界名衆相佛名寶施今現在說法  
其佛以諸無漏根力覺道等寶常施衆生華德佛  
者西北方去此無量無邊恒河沙等佛土有世界  
名衆音佛號華德今現在說法其佛色身猶如妙  
華其德無量三乘行佛者東北方去此無量無邊  
恒河沙等佛土有世界名安穩佛號三乘行今現

在說法其佛常說聲聞行辟支佛行諸菩薩行有  
人言說上中下精進故號為三乘行明德佛者下  
方去此無量無邊恒河沙等佛土有世界名廣大  
佛號明德今現在說法明名身明智慧明賢樹光  
明是三種明常照世間廣衆德者上方去此無量  
無邊恒河沙等佛土有世界名衆月佛號廣衆德  
今現在說法其佛弟子福德廣大故號廣衆德今  
是十方佛善德為初廣衆德為後若人一心稱其  
名號即得不退於阿耨多羅三藐三菩提如此偈  
說

曰下六  
句同上  
抄出

若有人得聞  
如為寶月說  
其有稱名者  
其佛號善德  
若人聞名者  
願悉除憂惱  
面淨如滿月  
三毒之熱惱  
西方善世界  
所照無邊際

說是諸佛名  
我禮是諸佛  
即得不退轉  
色相如金山  
即得不退轉  
南方歡喜界  
光明無有量  
聞名得不退  
佛號無量明  
其有聞名者

即得無量德  
今現在十方  
東方無憂界  
名聞無邊際  
我今合掌禮  
佛號稱檀德  
能滅諸衆生  
是故誓首禮  
身光智慧明  
即得不退轉

我今誓首禮  
佛號為相德  
摧破魔怨衆  
是故誓首禮  
光明踰日月  
除諸内外苦  
西南衆相界  
廣施於一切  
我今以五體  
佛號為華德

願盡生死際  
身具衆相好  
善化諸人天  
東南月明界  
遇者滅憂惱  
十方佛稱讚  
佛號為寶施  
諸天頭面禮  
歸命寶施尊  
世界衆寶樹

北方無動界  
而以自莊嚴  
聞名得不退  
有佛號無憂  
常為衆說法  
是故誓首禮  
常以諸法寶  
寶冠在足下  
西北衆音界  
演說妙法音



常以七覺華 莊嚴於衆生 白毫相如月

我今頭面禮 東北安穩界 諸寶所合成

佛號三乘行 無量相嚴身 智慧光無量

能破無明闇 衆生無憂惱 是故誓首禮

上方衆月界 衆寶所莊嚴 大德聲聞衆

菩薩無有量 諸聖中師子 號曰廣衆德

諸魔所怖畏 是故誓首禮 下方廣世界

佛號為明德 身相妙超絕 閻浮檀金山

常以智慧日 開諸善根華 寶土甚廣大

我遙誓首禮 過去無數劫 有佛號海德

出同下過  
上八去已  
抄句已

是諸現在佛 皆從彼發願 壽命無有量

光明照無極 國土甚清淨 聞名定作佛

今現在十方 具足成十力 是故誓首禮

人夫中最尊 問曰但聞是十佛名號執持在心便得不退阿耨

多羅三藐三菩提為更有餘佛餘菩薩名得至阿

惟越致耶答曰阿彌陀等佛及諸大菩薩稱名一

心念亦得不退轉如是阿彌陀等諸佛亦應恭敬

禮拜稱其名號今當具說無量壽佛世自在王佛

師子意佛法意佛梵相佛世相佛世妙佛慈悲佛

出同下已  
上五下九  
抄字九

世主佛人主佛月德佛寶德佛相德佛大相佛珠  
蓋佛師子鬘佛破無明佛智華佛多摩羅跋耨檀  
香佛持大功德佛兩七寶佛超勇佛離瞋恨佛大  
莊嚴佛無相佛寶藏佛德頂佛多伽羅香佛栴檀  
香佛蓮華香佛莊嚴道路佛龍蓋佛雨華佛散華  
佛華光明佛日音聲佛蔽日月佛瑠璃藏佛梵音  
佛淨明佛金藏佛須彌頂佛山王佛音聲自在佛  
淨眼佛月明佛如須彌山佛日月佛得眾佛華王  
佛梵音說佛世主佛師子行佛妙法意師子吼佛  
珠寶蓋珊瑚色佛破癡愛闇佛水月佛眾華佛開

智慧佛持雜寶佛菩提佛華超出佛真瑠璃明佛  
蔽日明佛持大功德佛得正慧佛勇健佛離諂曲  
佛除惡根栽佛大香佛道歎佛水光佛海雲慧遊  
佛德頂華佛華莊嚴佛日音聲佛月勝佛瑠璃佛  
梵聲佛光明佛金藏佛山頂佛山王佛音主佛龍  
勝佛無染佛淨面佛月面佛如須彌佛栴檀香佛  
威勢佛然燈佛難勝佛寶德佛喜音佛光明佛龍  
勝佛離垢明佛師子佛王王佛力勝佛華園佛無  
畏明佛香頂佛普賢佛普華佛寶相佛是諸佛世  
尊現在十方清淨世界皆稱名憶念阿彌陀佛本

是諸佛  
十八下  
同抄字

易行品

願如是若人念我稱名自歸即入必定得阿耨多  
羅三藐三菩提是故常應憶念以偈稱讚

無量光明慧身如真金山我今身口意

合掌稽首禮金色妙光明普流諸世界

隨物示其色是故稽首禮若人命終時

得生彼國者即具無量德是故我歸命

人能念是佛無量力功德即時入必定

是故我常念彼國人命終設應受諸苦

不隨惡地獄是故歸命禮若人生彼國

終不隨三趣及與阿修羅我今歸命禮

已下四  
初上

人天身相同猶如金山頂諸勝所歸處

是故頭面禮其有生彼國具天眼耳通

十方普無礙稽首聖中尊其國諸衆生

神變及心通亦具宿命智是故歸命禮

生彼國土者無我無我所不生彼此心

是故稽首禮超出三界獄目如蓮華葉

聲聞衆無量是故稽首禮彼國諸衆生

其性皆柔和自然行十善稽首衆聖王

從善生淨明無量無邊數二足中第一

是故我歸命若人願作佛心念阿彌陀

若人等  
八句同  
上抄出

易行記

若人等  
八句同  
上抄出

應時為現身

是故我歸命

彼佛本願力

十方諸菩薩

來供養聽法

是故我瞽首

彼土諸菩薩

具足諸相好

以自莊嚴身

我今歸命禮

彼諸大菩薩

日月於三時

供養十方佛

是故瞽首禮

若人種善根

疑則華不開

信心清淨者

華開則見佛

十方現在佛

以種種因緣

歎彼佛功德

我今歸命禮

其土具嚴飾

殊彼諸天宮

功德甚深厚

是故禮佛足

佛足千輻輪

柔軟蓮華色

見者皆歡喜

頭面禮佛足

眉間白毫光

猶如清淨月

增益面光色

頭面禮佛足

本求佛道時

行諸奇妙事

如諸經所說

頭面瞽首禮

彼佛所言說

破除諸罪根

美言多所益

我今瞽首禮

以此美言說

救諸著樂病

已度今猶度

是故瞽首禮

人天中最尊

諸天頭面禮

七寶冠摩足

是故我歸命

一切賢聖眾

及諸人天眾

咸皆共歸命

是故我亦禮

乘彼八道船

能度難度海

自度亦度彼

我禮自在人

諸佛無量劫

讚揚其功德

已下十  
二句同  
上抄出

猶尚不能盡

歸命清淨人

我今亦如是

稱讚無量德

以是福因緣

願佛常念我

我於今先世

福德若大小

願我於佛所

心常得清淨

以此福因緣

所獲上妙德

願諸衆生類

皆亦悉當得

又亦應念毘婆尸佛尸棄佛毘首婆伏佛拘樓珊

提伽佛迦那迦牟尼佛迦葉佛釋迦牟尼佛及未

來世彌勒佛皆應憶念禮拜以偈稱讚

毘婆尸世尊

無憂道樹下

成就一切智

微妙諸功德

正現於世間

其心得解脫

我今以五體

歸命無上尊

尸棄佛世尊

在於邠他利

道場樹下坐

成就於菩提

身色無有比

如然紫金山

我今自歸命

三界無上尊

毘首婆世尊

坐婆羅樹下

自然得通達

一切妙智慧

於諸人天中

第一無有比

是故我歸命

一切最勝尊

迦求村大佛

得阿耨多羅

三藐三菩提

尸利沙樹下

成就大智慧

永脫於生死

我今歸命禮

第一無比尊

迦那會牟尼

大聖無上尊

優曇鉢樹下

成就得佛道

通達一切法

無量無有邊

是故我歸命

第一無上尊

迦葉佛世尊

眼如雙蓮華

弱拘樓陀樹

於下成佛道

三界無所畏

行步如象王

我今自歸命

稽首無極尊

釋迦牟尼佛

阿輸陀樹下

降伏魔怨敵

成就無上道

面貌如滿月

清淨無瑕塵

我今稽首禮

勇猛第一尊

當來彌勒佛

那伽樹下坐

成就廣大心

自然得佛道

功德甚堅牢

莫能有勝者

是故我自歸

無比妙法王

復有德勝佛普明佛勝敵佛王相佛相主佛無量

功德明自在王佛藥王無礙佛寶遊行佛寶華佛

安住佛山主佛亦應憶念恭敬禮拜以偈稱讚

無勝世界中

有佛號德勝

我今稽首禮

及法寶僧寶

隨意喜世界

有佛號普明

我今自歸命

及法寶僧寶

普賢世界中

有佛號勝敵

我今歸命禮

及法寶僧寶

善淨集世界

佛號王幢相

我今稽首禮

及法寶僧寶

離垢集世界

無量功德明

自在於十方

是故稽首禮

不誑世界中

無礙藥王佛

我今頭面禮

及法寶僧寶

今集世界中

佛號寶遊行

我今頭面禮

及法寶僧寶

美音界寶華

安立山王佛

我今頭面禮

及法寶僧寶

今是諸如來

住在東方界

我以恭敬心

稱揚歸命禮

唯願諸如來

深加以慈悲

現身在我前

皆令目得見

復次過去未來現在諸佛盡應總念恭敬禮拜以

謁稱讚

過去世諸佛

降伏眾魔怨

以大智慧力

廣利於眾生

彼時諸眾生

盡心皆供養

恭敬而稱揚

是故頭面禮

現在十方界

不可計諸佛

其數過恒沙

無量無有邊

慈愍諸眾生

常轉妙法輪

是故我恭敬

歸命誓首禮

未來世諸佛

身色如金山

光明無有量

眾相自莊嚴

出世度眾生

當入於涅槃

如是諸世尊

我今頭面禮

復應憶念諸大菩薩善喜菩薩善眼菩薩聞月菩

薩尸毘主菩薩一切勝菩薩知大地菩薩大藥菩

薩鳩舍菩薩阿離念彌菩薩頂生主菩薩喜見菩

薩鬱多羅菩薩和和檀菩薩長壽王菩薩羸提菩  
薩韋藍菩薩睽菩薩月蓋菩薩明首菩薩法首菩  
薩法利菩薩彌勒菩薩復有金剛藏菩薩金剛首  
菩薩無垢藏菩薩無垢稱菩薩除疑菩薩無垢德  
菩薩網明菩薩無量明菩薩大明菩薩無盡意菩  
薩意王菩薩無邊意菩薩日音菩薩月音菩薩美  
音菩薩美音聲菩薩大音聲菩薩堅精進菩薩常  
堅菩薩堅表發菩薩堅莊上菩薩常悲菩薩常不轉  
菩薩法上菩薩法意菩薩法喜菩薩法首菩薩法  
積菩薩發精進菩薩智慧菩薩淨威德菩薩那羅  
延菩薩善思惟菩薩法思惟菩薩跋陀波羅菩薩  
法益菩薩高德菩薩師子遊行菩薩喜根菩薩上  
寶月菩薩不虛德菩薩龍德菩薩文殊師利菩薩  
妙音菩薩雲音菩薩勝意菩薩照明菩薩勇眾菩  
薩勝眾菩薩威儀菩薩師子意菩薩上意菩薩益  
意菩薩增意菩薩寶明菩薩慧頂菩薩樂說頂菩  
薩有德菩薩觀世自在王菩薩陀羅尼自在王菩  
薩大自在王菩薩無憂德菩薩不虛見菩薩離惡  
道菩薩一切勇健菩薩破闇菩薩功德寶菩薩華  
威德菩薩金瓔珞明德菩薩離諸陰蓋菩薩心無



礙菩薩一切行淨菩薩等見菩薩不等見菩薩三  
昧遊戲菩薩法自在菩薩法相菩薩明莊嚴菩薩  
大莊嚴菩薩寶頂菩薩寶印手菩薩常舉手菩薩  
常下手菩薩常慘菩薩常喜菩薩喜王菩薩得辯  
才音聲菩薩虛空雷音菩薩持寶炬菩薩勇施菩  
薩帝網菩薩馬光菩薩空無礙菩薩寶勝菩薩天  
王菩薩破魔菩薩電德菩薩自在菩薩頂相菩薩  
出過菩薩師子吼菩薩雲陰菩薩能勝菩薩山相  
幢王菩薩香象菩薩大香象菩薩白香象菩薩常  
精進菩薩不休息菩薩妙生菩薩華莊嚴菩薩觀  
世音菩薩得大勢菩薩水王菩薩山王菩薩帝網  
菩薩寶施菩薩破魔菩薩莊嚴國土菩薩金鬘菩薩  
薩珠髻菩薩如是等諸大菩薩皆應憶念恭敬禮  
拜求阿惟越致也

十住毘婆娑論易行品 畢



若欲見彼佛 莫疑亦莫慮 有疑在胎中 可令五百年

不疑生臺座 又手無量前 願欲徧十方 須臾則旋還

惟念彼菩薩 姦劫作功勤 本行如此致 得號增世尊

佛興難得值 須臾會難聞 講說士難遇 受學人難得

若後遭末世 法欲衰微時 當共建擁護 行佛無欲法

佛能說此要 各當勤思行 弘此無量誓 世世誓首行

韓藏鞠函 明藏貞函 姦一作坡 下同 易一作然 叢一作散 習一作界 毛一作手

原一作源 水齊一作水 脰肩一作額 慮一作望 中一作上 可令一作

不一作合 臺座一作臺 古一作古 臺一作臺 字一作字 勤一作德 憎一作疑 寫一作誤 學一作覺 弘一作

受誓一作制

十二禮 禪那囉多三藏別譯龍樹菩薩讚禮阿彌陀佛文

至心歸命禮西方阿彌陀佛

誓首天人所恭敬 阿彌陀仙兩足尊

在彼微妙安樂國 無量佛子眾圍繞スラ

願共諸眾生往生安樂國

金色身淨如山王 奢摩佗行如象步

兩目淨若青蓮華 故我頂禮彌陀佛

願共諸眾生往生安樂國

面善圓淨如滿月 威光猶如千日月

聲如天鼓俱翅羅 故我頂禮彌陀佛

願共諸衆生往生安樂國

觀音頂戴冠中住 種種妙相寶莊嚴

能伏外道魔憍慢 故我頂禮彌陀佛

願共諸衆生往生安樂國

無比無垢廣清淨 衆德皎潔如虛空

所作利益得自在 故我頂禮彌陀佛

願共諸衆生往生安樂國

十方名聞菩薩衆 無量諸魔常讚歎

為諸衆生願力住 故我頂禮彌陀佛

願共諸衆生往生安樂國

金底寶間池生華 善根所成妙高座

於彼座上如山王 故我頂禮彌陀佛

願共諸衆生往生安樂國

十方所來諸佛子 顯現神通至安樂

瞻仰尊顏常恭敬 故我頂禮彌陀佛

願共諸衆生往生安樂國

諸有無常無我等 示如水月電影露

為衆說法無名字 故我頂禮彌陀佛

願共諸衆生往生安樂國

彼尊無量方便境 無有諸趣惡知識

往生不退至菩提 故我頂禮彌陀佛  
願共諸衆生往生安樂國  
彼尊佛刹無惡名 亦無女人惡道怖  
衆人至心敬被尊 故我頂禮彌陀佛  
願共諸衆生往生安樂國  
我說被尊功德事 衆善無邊如海水  
所獲善根清淨者 迴施衆生生彼國  
願共諸衆生往生安樂國

無量壽經優婆塞提舍願生偈

婆藪般頭菩薩造

後魏菩提留支譯

世尊等 四句真 佛土卷 觀彼等 四句真 佛土卷 出 卷四 我依等 杜抄上 卷八 又已下 不抄出 佛土卷 四句真 世尊等

世尊我一心 願生安樂國 說願偈摠持 勝過三界道 正道大慈悲 如鏡日月輪 無垢光炎熾 柔輒左右旋

歸命盡十方 我依修多羅 與佛教相應 究竟如虛空 出世善根生 備諸珍寶性 明淨曜世間 觸者生勝樂

無尋光如來 真實功德相 觀彼世界相 廣大無邊際 淨光明滿足 具足妙莊嚴 寶性功德草 過迦旃隣陀

寶華千萬種

彌覆池流泉

微風動華葉

交錯光亂轉

宮殿諸樓閣

觀十方無罣

雜樹異光色

寶欄遍圍遠

無量寶交絡

羅網遍虛空

種種鈴發響

宜吐妙法音

雨華衣莊嚴

無量香普薰

佛惠明淨日

除世癡闇冥

梵聲悟深遠

微妙聞十方

正覺阿彌陀

法王善住持

如來淨華衆

正覺華化生

愛樂佛法味

禪三昧為食

永離身心惱

受樂常無間

大衆善根界

等無譏嫌名

女人及根缺

二衆種不生

衆生所願樂

一切能滿足

故我願生彼

阿彌陀佛國

無量大寶王

微妙淨華臺

相好光一尋

色像超群生

如來微妙聲

梵響聞十方

同地水火風

虛空無分別

天人不動衆

清淨智海生

如須彌山王

勝妙無過者

天人丈夫衆

恭敬遠瞻仰

觀佛本願力

遇無空過者

能令速滿足

功德大寶海

安樂國清淨

常轉無垢輪

化佛菩薩日

如須彌住持

無垢莊嚴光

一念及一時

普照諸佛會

利益諸群生

觀佛寺  
四句行  
卷註抄  
出

雨<sub>二</sub>天樂華衣

妙香等供養

讚諸佛功德

無有<sub>二</sub>分別心

何等世界無

佛法功德寶

我願皆往生

示佛法如佛

我作論說偈

願見彌陀佛

普共諸眾生

往生安樂國

無量壽修多羅章句我以偈誦摠說竟

論曰此願偈明何義示現觀彼安樂世界見阿彌陀佛願生彼國故云何觀云何生信心若善男子善女人修<sub>二</sub>五念門<sub>一</sub>行成就畢竟得生安樂國土見彼阿彌陀佛何等五念門一者禮拜門二者讚歎門三者作願門四者觀察門五者迴向門云何禮

拜身業禮拜阿彌陀如來應正遍知為生彼國意故云何讚歎口業讚歎稱彼如來名如彼如來光明智相如彼名義欲如實修行相應故云何作願心常作願一心專念畢竟往生安樂國土欲如實修行奢摩他故云何觀察智惠觀察正念觀彼欲如實修行毗婆舍那故彼觀察有三種何等三種一者觀察彼佛國土莊嚴功德二者觀察阿彌陀佛莊嚴功德三者觀察彼諸菩薩功德莊嚴云何迴向不捨一切苦惱眾生心常作願迴向為首得成就大悲心故云何觀察彼佛國土莊嚴功德彼

尼如意寶性相似相對法故觀察彼佛國土莊嚴功德成就者有十七種應知何等十七一者莊嚴清淨功德成就二者莊嚴無量功德成就三者莊嚴性功德成就四者莊嚴形相功德成就五者莊嚴種種事功德成就六者莊嚴妙色功德成就七者莊嚴觸功德成就八者莊嚴三種功德成就九者莊嚴雨功德成就十者莊嚴光明功德成就十一者莊嚴妙聲功德成就十二者莊嚴主功德成就十三者莊嚴眷屬功德成就十四者莊嚴受用

功德成就十五者莊嚴無諸難功德成就十六者莊嚴大義門功德成就十七者莊嚴一切所求滿足功德成就莊嚴清淨功德成就者偈言觀彼世界相勝過三界道故莊嚴無量功德成就者偈言究竟如虛空廣大無邊際故莊嚴性功德成就者偈言正道大慈悲出世善根生故莊嚴形相功德成就者偈言淨光明滿足如鏡日月輪故莊嚴種種事功德成就者偈言備諸珍寶性具足妙莊嚴故莊嚴妙色功德成就者偈言無垢光炎熾明淨曜世間故莊嚴觸功德成就者偈言寶性功德草



柔輒左右旋觸者生勝樂過迦旃隣陀故莊嚴三  
種功德成就者有三種事應知何等三種一者水  
二者地三者虛空莊嚴水功德成就者偈言寶華  
千萬種彌覆池流泉微風動華葉交錯光亂轉故  
莊嚴地功德成就者偈言宮殿諸樓閣觀十方無  
尋雜樹異光色寶欄遍圍遶故莊嚴虛空功德成  
就者偈言無量寶交絡羅經遍虛空種種鈴發響  
宣吐妙法音故莊嚴雨功德成就者偈言雨華衣  
莊嚴無量香普薰故莊嚴光明功德成就者偈言  
佛惠明淨日除世癡闇冥故莊嚴妙聲功德成就

者偈言梵聲悟深遠微妙聞十方故莊嚴主功德  
成就者偈言正覺阿彌陀法王善住持故莊嚴眷  
屬功德成就者偈言如來淨華衆正覺華化生故  
莊嚴受用功德成就者偈言愛樂佛法味禪三昧  
為食故莊嚴無諸難功德成就者偈言永離身心  
惱受樂常無間故莊嚴大義門功德成就者偈言  
大乘善根界等無譏嫌名女人及根缺二乘種不  
生故淨土果報離二種譏嫌過應知一者體二者  
名體有三種一者二乘人二者女人三者諸根不  
具人無此三過故名離體譏嫌名亦有三種非但

無三體乃至不聞二乘女人諸根不具三種名故名離名譏嫌等者平等一相故莊嚴一切所求滿足功德成就者偈言衆生所願樂一切能滿足故略說彼阿彌陀佛國土十七種莊嚴成就示現如來自身利益大功德力成就利益他功德成就故彼無量壽佛國土莊嚴第一義諦妙境界相十六句及一句次第說應知云何觀佛莊嚴功德成就觀佛莊嚴功德成就者有八種相應知何等八種一者莊嚴座功德成就二者莊嚴身業功德成就三者莊嚴口業功德成就四者莊嚴心業功德成

就五者莊嚴大衆功德成就六者莊嚴上首功德成就七者莊嚴主功德成就八者莊嚴不虛作住持功德成就何者莊嚴座功德成就偈言無量大寶王微妙淨華臺故何者莊嚴身業功德成就偈言相好光一尋色像超群生故何者莊嚴口業功德成就偈言如來微妙聲梵響聞十方故何者莊嚴心業功德成就偈言同地水火風虛空無分別故無分別者無分別心故何者莊嚴大衆功德成就偈言天人不動衆清淨智海生故何者莊嚴上首功德成就偈言如須彌山王勝妙無過者故何

者莊嚴主功德成就偈言天人丈夫衆恭敬遶瞻仰故何者莊嚴不虛作住持功德成就偈言觀佛本願力遇無空過者能令速滿足功德大寶海故即見彼佛未證淨心菩薩畢竟得證平等法身與淨心菩薩與上地諸菩薩畢竟同得寂滅平等故略說八句示現如來自利利他功德莊嚴次第成就應知云何觀察菩薩莊嚴功德成就觀察菩薩莊嚴功德成就者觀彼菩薩有四種正修行功德成就應知何者為四一者於一佛土身不動搖而遍十方種種應化如實修行常作佛事偈言安樂

國清淨常轉無垢輪化佛菩薩日如須彌住持故開諸衆生淤泥華故二者彼應化身一切時不前不後一心一念放大光明悉能遍至十方世界教化衆生種種方便修行所作滅除一切衆生苦故偈言無垢莊嚴光一念及一時普照諸佛會利益諸群生故三者彼於一切世界無餘照諸佛會大衆無餘廣大無量供養恭敬讚歎諸佛如來功德偈言雨天樂華衣妙香等供養讚諸佛功德無有分別心故四者彼於十方一切世界無三寶處住持莊嚴佛法僧寶功德大海遍示令解如實修行

偈言何等世界無佛法功德寶我願皆往生示佛法如佛故又向說觀察莊嚴佛土功德成就莊嚴佛功德成就莊嚴菩薩功德成就此三種成就願心莊嚴應知略說入一法句故一法句者謂清淨句清淨句者謂真實智慧無爲法身故此清淨有二種應知何等二種一者器世間清淨二者衆生世間清淨器世間清淨者如向說十七種莊嚴佛土功德成就是名器世間清淨衆生世間清淨者如向說八種莊嚴佛功德成就四種莊嚴菩薩功德成就是名衆生世間清淨如是一法句攝二種

清淨義應知如是菩薩奢摩他毗婆舍那廣略修行成就柔軟心如實知廣畧諸法如是成就巧方便迴向何者菩薩巧方便迴向菩薩巧方便迴向者謂說禮拜等五種修行所集一切功德善根不求自身住持之樂欲拔一切衆生苦故作願攝取一切衆生共同生彼安樂佛國是名菩薩巧方便迴向成就菩薩如是善知迴向成就即能遠離三種菩提門相違法何等三種一者依智慧門不求自樂遠離我心貪著自身故二者依慈悲門拔一切衆生苦遠離無安衆生心故三者依方便門憐

慈一切衆生心遠離供養恭敬自身心故是名遠  
離三種菩提門相違法菩薩遠離如是三種菩提  
門相違法得三種隨順菩提門法滿足故何等三  
種一者無染清淨心以不爲自身求諸樂故二者  
安清淨心以拔一切衆生苦故三者樂清淨心以  
令一切衆生得大菩提故以攝取衆生彼國土  
故是名三種隨順菩提門法滿足應知向說智慧  
慈悲方便三種門攝取般若般若攝取方便應知  
向說遠離我心不貪著自身遠離無安衆生心遠  
離供養恭敬自身心此三種法遠離障菩提心應

知向說無染清淨心安清淨心樂清淨心此三種  
心略一處成就妙樂勝真心應知如是菩薩智慧  
心方便心無障心勝真心能生清淨佛國土應知  
是名菩薩摩訶薩隨順五種法門所作隨意自在  
成就如向所說身業口業意業智業方便智業隨  
順法門故復有五種門漸次成就五種功德應知  
何者五門一者近門二者大會衆門三者宅門四  
者屋門五者園林遊戲地門此五種門初四種門  
成就入功德第五門成就出功德入第一門者以  
禮拜阿彌陀佛爲生彼國故得生安樂世界是名

從出第  
五門下  
至是名  
出第五  
門信恭  
本樹及  
証卷五  
抄出

從菩薩  
入四下  
至菩提  
故行卷  
右抄出

入第一門入第二門者以讚歎阿彌陀佛隨順名  
 義稱如來名依如來光明智相修行故得入大會  
 眾數是名入第二門入第三門者以一心專念作  
 願生彼修奢摩他寂靜三昧行故得入蓮華藏世  
 界是名入第三門入第四門者以專念觀察彼妙  
 莊嚴修毗婆舍那故得到彼所受用種種法味樂  
 是名入第四門出第五門者以大慈悲觀察一切  
 苦惱眾生示應化身迴入生死攔煩惱林中遊戲  
 神通至教化地以本願力迴向故是名出第五門  
 菩薩入四種門自利行成就應知菩薩如是修五門行自  
 迴向利益他行成就應知菩薩如是修五門行自  
 利利他速得成就阿耨多羅三藐三菩提故無量  
 壽修多羅優婆提舍願生偈略解義竟  
 無量壽經優婆提舍願生偈

無量壽經優婆塞提舍願生偈婆藪槃頭菩薩造并

註卷上 沙門曇鸞註解

謹案已下至願生偈行卷註抄出然無佛字上無於字

謹案龍樹菩薩十住毗婆沙云菩薩求阿毗跋致有二種道一者難行道二者易行道難行道者謂於五濁之世於無佛時求阿毗跋致為難此難乃有多途粗言五三以示義意一者外道相修將善亂菩薩法二者聲聞自利障大慈悲三者無顧惡人破他勝德四者顛倒善果能壞梵行五者唯是自力無他力持如斯等事觸目皆是譬如陸路步行則苦易行道者謂但以信佛因緣願生淨土乘

上衍祖  
本作上  
行

佛願力便得往生彼清淨土佛力住持卽入大乘  
正定之聚正定卽是阿毗跋致譬如水路乘船則  
樂此無量壽經優婆提舍蓋上衍之極致不退之  
風航者也無量壽是安樂淨土如來別號釋迦牟尼  
佛莊嚴功德卽以佛名號爲經體後聖者婆藪槃  
頭菩薩服膺一形如來大悲之教儗經作願生偈  
復造長行重釋梵言優婆提舍此間無正名相譯  
若舉一隅可名爲論所以無正名譯者以此間本  
無佛故如此間書就孔子而稱經餘人製作皆名  
爲子國史國紀之徒各別體例然佛所說十二部  
經中有論議經名優婆提舍若復佛諸弟子解佛  
經教與佛義相應者佛亦許名優婆提舍以入佛  
法相故此間云論直是論議而已豈得正譯彼名  
耶又如女人於子稱母於兄云妹如是等事皆隨  
義各別若但以女名汎談母妹乃不失女之大體  
豈含尊卑之義乎此所云論亦復如是是以仍因  
音存梵音曰優婆提舍此論始終凡有二重一是  
摠說分二是解義分摠說分者前五言偈盡是解  
義分者論曰已下長行盡是所以爲二重者有二



義偈以誦經為摠攝故論以釋偈為解義故無量壽者言無量壽如來壽命長遠不可思量也經者常也言安樂國土佛及菩薩清淨莊嚴功德國土清淨莊嚴功德能與衆生作大饒益可常行于世故名曰經優婆提舍是佛論議經名願是欲樂義生者天親菩薩願生彼安樂淨土如來淨華中生故曰願生偈是句數義以五言句略誦佛經故名為偈譯婆藪云天譯槃頭言親此人字天親事在舟法藏經菩薩者若具存梵音應言菩提薩埵菩提者是佛道名薩埵或云衆生或云勇健求佛道衆生有勇猛健志故名菩提薩埵今但言菩薩譯者略耳造亦作也庶因人重法故云某造是故言無量壽經優婆提舍願生偈婆藪槃頭菩薩造解論名目竟偈中分為五念門如下長行所釋第一行四句相含有三念門上三句是禮拜讚嘆門下一句是作願門第二行論主自述我依佛經造論與佛教相應所服有宗何故云此為成優婆提舍名故亦是成上三門起下二門所以次之說從第三行盡二十四行是觀察門末後一行是迴向門分偈章門竟

真本廿一行

又所願  
下至想  
開雜行  
出恭抄

世尊我一心歸命盡十方無礙光如來願生安樂  
國世尊者諸佛通號論智則義無不達語斷則習  
氣無餘智斷具足能利世間為世尊重故曰世尊  
此言意歸釋迦如來何以得知下句言我依修多  
羅天親菩薩在釋迦如來像法之中願釋迦如來  
經教所以願生願生有宗故知此言歸于釋迦若  
謂此意遍告諸佛亦復無嫌夫菩薩歸佛知孝子  
之歸父母忠臣之歸君后動靜非已出沒必由知  
恩報德理宜先啓又所願不輕若如來不加威神  
將何以達乞加神力所以仰告我一心者天親菩

歸命及  
下至相  
應故同  
上抄出

薩自督之詞言念無礙光如來願生安樂心心相  
續無他想問雜問曰佛法中無我此中何以稱我  
答曰言我有三根本一是邪見語二是自大語三  
是流布語今言我者天親菩薩自指之言用流布  
語非邪見自大也歸命盡十方無礙光如來者歸  
命即是禮拜門盡十方無礙光如來即是讚嘆門  
何以知歸命是禮拜龍樹菩薩造阿彌陀如來讚  
中或言誓首禮或言我歸命或言歸命禮此論長  
行中亦言修五念門五念門中禮拜是一天親菩  
薩既願往生豈容不禮故知歸命即是禮拜然禮

必是祖  
本無必

云何讚  
本無門

天親已  
下至之  
意也同  
結抄出  
然中說  
天親下  
無善薩  
二字  
問曰已  
下念門  
竟同柱  
抄出

拜，但是恭敬，不必歸命。歸命，必是禮拜。若以此推歸命，為重偈。申己心，宜言歸命。論解偈義，汎談禮拜。彼此相成，於義彌顯。何以知盡十方無礙光如來，是讚嘆門。下長行中言云：何讚嘆門，謂稱彼如來名。如彼如來，光明智相，如彼名義。欲如實修行，相應故，依舍衛國所說無量壽經佛解阿彌陀如來名號。何故號阿彌陀？彼佛光明無量，照十方國，無所障導，是故號阿彌陀。又彼佛壽命及其人民，無量無邊。阿僧祇故名阿彌陀。問曰：若言無礙光如來，光明無量，照十方國，土無所障礙者，此間眾生何以不蒙光照？光有所不照，豈非有礙耶？答曰：礙屬眾生，非光礙也。譬如日光，周四天下，而盲者不見，非日光不周也。亦如密雲，洪靈灌之而頑石不潤，非雨不洽洽及也。若言一佛主領三千大千世界，是聲聞論中說。若言諸佛徧領十方無量無邊世界，是大乘論中說。天親菩薩今言：盡十方無礙光如來，即是依彼如來名。如彼如來，光明智相，讚嘆故，知此句是讚嘆門。願生安樂國者，此一句是作願門。天親菩薩歸命之意也。其安樂義，具在下觀察門中。問曰：大乘經論中處處說眾生畢竟

論在七

亦復租  
本無復

我依等  
四句同  
上抄出

何所依  
下至相  
稱也同  
上抄出  
然外三  
藏二字  
又中略  
成上等  
五字又  
略偈言

無生如虛空云何天親菩薩言願生耶答曰說衆  
生無生如虛空有二種一者如凡夫所謂實衆生  
如凡夫所見實生死此所見事畢竟無所有如龜  
毛如虛空二者謂諸法因緣生故即是不生無所  
有如虛空天親菩薩所願生者是因緣義因緣義  
故假名生非如凡夫謂有實衆生實生死也問曰  
依何義說往生答曰於此間假名人中修五念門  
前念與後念作因穢土假名人淨土假名人不得  
決定一不得決定異前心後心亦復如是何以故  
若一則無因果若異則非相續是義觀一異門論

中委曲釋第一行三念門竟次成優婆提舍名又  
成上起下偈

我依修多羅真實功德相說願偈摠持與佛教相  
應此一行云何成優婆提舍名云何成上三門起  
下二門偈言我依修多羅與佛教相應修多羅是  
佛經名我論佛經義與經相應以入佛法相故得  
名優婆提舍名成竟成上三門起下二門何所依  
何故依云何依何所依者依修多羅何故依者以  
如來即真實功德相故云何依者修五念門相應  
故成上起下竟修多羅者十二部經中直說者名

等六字  
又略說  
謂等二  
十四字  
又作與  
佛教相  
應者又  
化土卷  
本極抄  
出有二  
種等四  
十七字  
名字下  
祖本無  
為字

修多羅謂四阿含三藏等三藏外大乘諸經亦名  
修多羅此中言依修多羅者是三藏外大乘修多  
羅非阿含等經也真實功德相者有二種功德一  
者從有漏心生不順法性所謂凡夫人天諸善人  
果報若因若果皆是顛倒皆是虛偽是故名不  
實功德二者從菩薩智慧清淨業起莊嚴佛事依  
法性入清淨相是法不顛倒不虛偽名為真實功  
德云何不顛倒依法性順二諦故云何不虛偽攝  
衆生入畢竟淨故說願偈摠持與佛教相應者持  
名不散不失摠名以少攝多偈言五言句數願名  
欲樂往生說謂說諸偈論摠而言之說所願生偈  
摠持佛經與佛教相應相應者譬如函蓋相稱也  
觀彼世界相勝過三界道此已下是第四觀察門  
此門中分為二別一者觀察器世間莊嚴成就二  
者觀察衆生世間莊嚴成就此句已下至願生彼  
阿彌陀佛國是觀器世間莊嚴成就觀器世間中  
復分為十七別至文當目此二句即是第一事名  
為觀察莊嚴清淨功德成就此清淨是摠相佛本  
所以起此莊嚴清淨功德者見三界是虛偽相是  
輪轉相是無窮相如蚘尺蠖屈伸郭反循環如蠶才

天  
爾

蠶衣公  
殄反

自縛哀哉衆生締

帝音

不解此三界顛

倒不淨欲置衆生於不虛僞處於不輪轉處於不  
無窮處得畢竟安樂大清淨處是故起此清淨莊  
嚴功德也成就者言此清淨不可破壞不可汗染  
非如三界是汗染相是破壞相也觀者觀察也彼  
者彼安樂國也世界相者彼安樂世界清淨相也  
其相別在下勝過三界道道者通也以如此因得  
如此果以如此果酬如此因通因至果通果酬因  
故名爲道三界者一是欲界所謂六欲天四天下  
人畜生餓鬼地獄等是也二是色界所謂初禪二  
禪三禪四禪天等是也三是無色界所謂空處識  
處無所有處非想非非想處天等是也此三界蓋  
是生死凡夫流轉之閻宅雖復苦樂小殊脩短暫  
異統而觀之莫非有漏倚伏相乘循環無際雜生  
觸受四倒長拘且因且果虛僞相襲安樂是菩薩  
慈悲正觀之由生如來神力本願之所建胎卵濕  
生緣茲高揖業繫長維從此永斷續拈之摧不待  
勸而彎弓勞謙善讓齊普賢而同德勝過三界抑  
是近言

究竟如虛空廣大無邊際此二句名莊嚴量功德

正道已  
下至德  
成就真  
佛土卷  
統抄出

成就佛本所以起此莊嚴量功德者見三界陝

反小墮敗城阜反陘山絕坎陪重土一日階如渚者

與或宮觀迫音迫迮反子格或土田逼隘陋已或志求

路促或山河隔厄反公障或國界分部有如此等種

種舉急事是故菩薩興此莊嚴量功德願願我國

土如虛空廣大無際如虛空者言來生者雖衆猶

若無也廣大無際者成上如虛空義何故如虛空

以廣大無際故成就者言十方衆生往生者若已

生若今生若當生雖無量無邊畢竟常如虛空廣

大無際終無滿時是故言究竟如虛空廣大無邊

際間曰如羅摩方丈苞容有餘何必國界無貲支

反乃稱廣大答曰所言廣大非必以畦五十畝阡

三十畝一為喻但言如空亦何累方丈又方丈之

遠一萬反為喻但言如空亦何累方丈又方丈之

所苞容在狹而廣實下論果報豈若在廣而廣

耶

正道大慈悲出世善根生此二句名莊嚴性功德

成就佛本何故起此莊嚴見有國土以愛欲故則

有欲界以攀厭禪定故則有色無色界此三界皆

是有漏邪道所生長寢大夢莫知稀出是故興大

悲心願我成佛以無上正見道起清淨土出于三

論上

九

性是已  
下盡此  
一章同  
上抄出

無性法  
忍祖本  
無法字

祖本作  
又言性  
者是

大悲即  
下祖本  
有是字

界性是本義言此淨土隨順法性不乖法本事同  
 華嚴經寶王如來性起義又言積習成性指法藏  
 菩薩集諸波羅密積習所成亦言性者是聖種性  
 序法藏菩薩於世自在王佛所悟無生法忍爾時  
 位名聖種性於是性中發四十八大願修起此土  
 即曰安樂淨土是彼因所得果中說因故名爲性  
 又言性是必然義不改義如海性一味衆流入者  
 必爲一味海味不隨彼改也又如人身性不淨故  
 種種妙好色香美味入身皆爲不淨安樂淨土諸  
 往生者無不淨色無不淨心畢竟皆得清淨平等  
 無爲法身以安樂國土清淨性成就故正道大慈  
 悲出世善根生者平等大道也平等道所以名爲  
 正道者平等是諸法體相以諸法平等故發心等  
 發心等故道等道等大慈悲等是大慈悲是佛道  
 正因故言正道大慈悲慈悲有三緣一者衆生緣  
 是小悲二者法緣是中悲三者無緣是大悲大悲  
 即出世善也安樂淨土從此大悲生故謂此大  
 悲爲淨土之根故曰出世善根生  
 淨光明滿足如鏡日月輪此二句名莊嚴形相功  
 德成就佛本所以起此莊嚴功德者見日行四域



光不周三方庭燎力小在宅明不滿十仞以是故起滿淨光明願如日月光輪滿足自體彼安樂淨土雖復廣大無邊清淨光明無不充塞故曰淨光明滿足如鏡日月輪

備諸珍寶性具足妙莊嚴此二句名莊嚴種種事功德成就佛本何故起此莊嚴見有國土以泥土為宮饒以木石為華觀或彫金鏤玉意願不充或營備百千具受辛苦以此故興大悲心願我成佛必使珍寶具足嚴麗自然相忘於有餘自得於佛道此莊嚴事縱使毘首羯磨工稱妙絕積思竭想豈能取圖性者本義也能生既淨所生焉得不淨故經言隨其心淨則佛土淨是故言備諸珍寶性具足妙莊嚴

無垢光炎熾明淨曜世間此二句名莊嚴妙色功德成就佛本何故起此莊嚴見有國土優劣不同以不同故高下以形高下既形是非以起是非既起長淪音沒倫三有是故興大悲心起平等願願我國土光炎熾盛第一無比不如人天金色能有奪者若為相奪如明鏡在金邊則不現今日時中金比佛在時金則不現佛在時金比閻浮那金則不

現閻浮那金比大海中轉輪王道中金沙則不現  
 轉輪王道中金沙比金山則不現金山比須彌山  
 金則不現須彌山金比三十三天瓔珞金則不現  
 三十三天瓔珞金比炎摩天金則不現炎摩天金  
 比兜率陀天金則不現兜率陀天金比化自在天  
 金則不現化自在天金比他化自在天金則不現  
 他化自在天金比安樂國中光明則不現所以者  
 何彼土金光絕從垢業生故清淨無不成就故安  
 樂淨土是無生忍菩薩淨業所起阿彌陀如來法  
 王所領阿彌陀如來為增上緣故是故言無垢光

炎熾明淨曜世間曜世間者曜二種世間也寶性  
 功德草柔軟左右旋觸者生勝樂過迦旃隣陀此  
 四句名莊嚴觸功德成就佛本何故起此莊嚴見  
 有國土雖寶重金王不得為衣服珍翫明鏡無識  
 於敷具斯緣悅於目不便於身也身眼二情豈弗  
 鉾楯乎是故願言使我國土人天六情和於水乳  
 卒去楚越之勞所以七寶柔軟悅目便身迦旃隣  
 陀者天竺柔軟草名也觸之者能生樂受故以為  
 喻註者言此間土石草木各有定體譯者何緣目  
 彼寶為草耶當以其蘆草得風兒能藥草施兒藪父蟲反

細草日蔭亡小反故以草目之耳余若參譯當別有途生

勝樂者觸迦旃隣陀生深著樂觸彼輒寶生法喜

樂二事相玄非勝如何是故言寶性功德草柔輒

左右旋觸者生勝樂過迦旃隣陀

寶華千萬種彌覆池流泉微風動華葉交錯光亂

轉此四句名莊嚴水功德成就佛本何故起此願

見有國土或漂溺江大波謂洪濤海波上滓沫

驚人或凝澌流冰上決凍相著蹙迫子柳

懷恇失常他向無安悅之情背有恐值之慮菩薩

見此興大悲心願我成佛所有流泉池沼池及與

宮殿相稱經事出種種寶華布為水飭微風徐扇映

發有序開神悅體無一不可是故言寶華千萬種

彌覆池流泉微風動華葉交錯光亂轉

宮殿諸樓閣觀十方無尋雜樹異光色寶欄徧圍

繞此四句名莊嚴地功德成就佛本何故起此莊

嚴見有國土高貌才嶢牛消峻嶺音高俊枯木橫

岑山不齊峩峩峩嶺音高俊嶺音高俊嶺音高俊嶺音高俊

菁惡草貌茅道多草不可盈盈茫茫音滄海為絕目

之川蕙蕙廣澤為無蹤之所菩薩見此興大悲願

願我國土地平如掌宮殿樓閣鏡納十方的無所

屬亦非不屬寶樹寶欄互為映饒是故言宮殿諸樓閣觀十方無礙雜樹異光色寶欄徧圍繞

無量寶交絡羅網徧虛空種種鈴發響宜吐妙法音此四句名莊嚴虛空功德成就佛本何故起此

莊嚴見有國土煙雲塵霧蔽障太虛震烈霽兩聲士林反

霍大雨下郭反從上而墮不祥哉天火葬才反霓屈虹青色或白色陰

氣五反每自空來憂慮百端為之毛豎菩薩見此興

大悲心願我國土寶網交絡羅徧虛空鈴鐸大各

反宮商鳴宜道法視之無厭懷道見德是故言無

量寶交絡羅網徧虛空種種鈴發響宜吐妙法音

雨華衣莊嚴無量香普薰此二句名莊嚴雨功德

成就佛本何故興此莊嚴見有國土欲以服饒布

地延請所尊或欲以香華名寶用表恭敬而業貧

感薄是事不果是故興大悲願願我國土常雨此

物滿眾生意何故以雨為言恐取者云若常雨華

衣亦應填塞虛空何緣不妨是故以雨為喻雨適

時則無洪滔水漫大他高反之患安樂報豈有累情之物

乎經言日夜六時雨寶衣雨寶華寶質柔輒履踐

其上則下四寸隨舉足時還復如故用訖入寶地

如水入坎是故言雨華衣莊嚴無量香普薰

佛惠明淨日除世癡闇冥此二句名莊嚴光明功德成就佛本何故興此莊嚴見有國土雖復項背日光而為愚癡所闇是故願言使我國土所有光明能除癡闇入佛智慧不為無記之事亦云安樂國土光明從如來智慧報起故能除世闇冥經言或有佛土以光明為佛事即是此也故言佛惠明淨日除世癡闇冥

梵聲悟深遠微妙聞十方此二句名莊嚴妙聲功德成就佛本何故興此願見有國土雖有善法而名聲不遠有名聲雖遠復不微妙有名聲妙遠復不能悟物是故起此莊嚴天竺國稱淨行為梵行稱妙辭為梵言彼國貴重梵天多以梵為讚亦言中國法與梵天通故也聲者名也名謂安樂土名經言若人但聞安樂淨土之名欲願往生亦得如願此名悟物之證也釋論言如斯淨土非三界所攝何以言之無欲故非欲界地居故非色界有色故非無色界蓋菩薩別業所致耳出有而有曰微出有者謂淨土有三有而有者謂淨土有也名能開悟曰妙妙好也以名是故言梵聲悟深遠微妙聞十方

正覺阿彌陀法王善住持此二句名莊嚴主功德

成就佛本何故興此願見有國土羅刹為君則率  
 土相馭寶輪駐止馬長殿則四域無虞譬之風靡  
 豈無本耶是故興願願我國土常有法王法王善  
 力之所住持住持者如黃鵠持子安千齡更起魚  
 母念持子逕樂不壞夏有水冬無水安樂國為正  
 覺善持其國豈有非正覺事耶是故言正覺阿彌  
 陀法王善住持

如來淨華眾正覺華化生此二句名莊嚴眷屬功  
 德成就佛本何故興此願見有國土或以胞血為  
 身器或以糞尿為生元或槐棘高坵出猜狂之子  
 或豎子婢腹出卓犖零角之才譏誚才召由之懷  
 火耻辱緣以抱水所以願言使我國土悉於如來  
 淨華中生眷屬平等與奪無路故言如來淨華眾  
 正覺華化生

愛樂佛法味禪三昧為食此二句名莊嚴受用功  
 德成就佛本何故興此願見有國土或探巢破卵  
 為饑感食滿貌饒飽也人之饒消也或懸沙指帛為想  
 慰之方嗚呼諸子實可痛心是故興大悲願願我  
 國土以佛法以禪定以三昧為食永絕他食之勞  
 愛樂佛法味者如日月燈明佛說法華經六十小

劫時會聽者亦坐一處六十小劫謂如食頃無有  
 一人若身若心而生懈倦以禪定為食者謂諸大  
 菩薩常在三昧無他食也三昧者彼諸人天若須  
 食時百味嘉餚羅列在前眼見色鼻聞香身受適  
 悅自然飽足訖已化去若須復現其事在經是故  
 言愛樂佛法味禪三昧為食「永離身心惱受樂  
 常無間此二句名莊嚴無諸難功德成就佛本何  
 故興此願見有國土或朝預哀寵夕惶斧鉞或幼  
 捨蓬藜長列方丈或鳴笳道出麻經催還有如是  
 等種種違奪是故願言使我國土安樂相續畢竟  
 無間身惱者飢渴寒熱殺害等也心惱者是非得  
 失三毒等也是故言「永離身心惱受樂常無間  
 大乘善根界等無譏嫌名女人及根缺二乘種不  
 生此四句名莊嚴大義門功德成就門者通大義  
 之門也大義者大乘所以也如人造城得門則入  
 若人得生安樂者是則成就大乘之門也佛本何  
 故興此願見有國土雖有佛如來賢聖等眾由國  
 濁故分一說三或以拓聽各眉致誚或緣指語招  
 譏是故願言使我國土皆是大乘一味平等一味  
 根敗種子畢竟不生女人殘缺名字亦斷是故言

大乘善根界等無譏嫌名女人及根缺二乘種不生問曰案王舍城所說無量壽經法藏菩薩四十八願中言設我得佛國中聲聞有能計量知其數者不取正覺是有聲聞一證也又十住毘婆沙中龍樹菩薩造阿彌陀讚云起出三界獄目如蓮華葉聲聞衆無量是故稽首禮是有聲聞二證也又摩訶衍論中言佛土種種不同或有佛土純是聲聞僧或有佛土純是菩薩僧或有佛土菩薩聲聞會為僧如阿彌陀安樂國等是也是有聲聞三證也諸經中有說安樂國處多言有聲聞不言無聲聞聲聞卽是二乘之一論言乃至無二乘名此云何會答曰以理推之安樂淨土不應有二乘何以言之夫有病則有藥理數之常也法華經言釋迦牟尼如來以出五濁世故分一為三淨土既非五濁無三乘明矣法華經道諸聲聞是人於何而得解脫但離虛妄名為解脫是人實未得一切解脫以未得無上道故覈推此理阿羅漢既未得一切解脫必應有生此人更不生三界三界外除淨土更無生處是以唯應於淨土生如言聲聞者是他方聲聞來生仍本名故稱為聲聞如天帝釋生人



中時姓憍尸迦後雖為天主佛欲使入知其由來  
 與帝釋語時猶稱憍尸迦其此類也又此論但言  
 二乘種不生謂安樂國不生二乘種子亦何妨二  
 乘來生耶譬如橘栽不生江北河洛菓肆亦見有  
 橘又言鸚鵡不渡龍西趙魏架折亦有鸚鵡此二  
 物但言其種不渡彼有聲聞亦如是作如是解經  
 論則會問曰名以召事有事乃有名安樂國既無  
 二乘女人根缺之事亦何須復言無此三名耶答  
 曰如軟心菩薩不甚勇猛譏言聲聞如人諂曲或  
 復憊弱譏言女人又如眼雖明而不識事譏言盲

問曰已下盡此  
 一章真  
 佛土卷  
 抄出  
 然本願  
 下有  
 力

人又如耳雖聽而聽義不解譏言聾人又如舌雖  
 語而訥口嚙吃譏言瘖人有如是等根雖具足而  
 有譏嫌之名是故須言乃至無名明淨土無如是  
 等與奪之名問曰尋法藏菩薩本願及龍樹菩薩  
 所讚皆似以彼國聲聞衆多為奇此有何義答曰  
 聲聞以實際為證計不應更能生佛道根芽而佛  
 以本願不可思議神力攝令生彼必當復以神力  
 生其無上道心譬如鳩鳥入水魚鱗咸死羣牛觸  
 之死者皆活如此不應生而生所以可奇然五不  
 思議中佛法最不可思議佛能使聲聞復生無上

道心真不可思議之至也

衆生所願樂一切能滿足此二句名莊嚴一切所  
求滿足功德成就佛本何故與此願見有國土或  
名高位重潛處無由或人凡性鄙怖出靡路或脩  
短繫業制不在已如何私陀仙人類也有如是等  
為業風所吹不得自在是故願言使我國土各稱  
所求滿足情願是故言衆生所願樂一切能滿足  
是故願生彼阿彌陀佛國此二句結成上觀察十  
七種莊嚴國土成就所以願生釋器世間清淨訖  
之干上次觀衆生世間清淨此門中分為二別一  
者觀察阿彌陀如來莊嚴功德二者觀察彼諸菩  
薩莊嚴功德觀察如來莊嚴功德中有八種至文  
當目問曰有論師汎解衆生名義以其輪轉三有  
受衆多生死故名衆生今名佛菩薩為衆生是義  
云何答曰經言一法有無量名一名有無量義如  
以受衆多生死故名為衆生者此是小乘家釋三  
界中衆生名義非大乘家衆生名義也大乘家所  
言衆生者如不增不減經言言衆生者卽是不生  
不滅義何以故若有生生已復生有無窮過故有  
不生而生過故是故無生若有生可有滅既無生

何得有滅是故無生無滅是衆生義如經中言五受陰通達空無所有是苦義斯其類也

無量大寶王微妙淨華臺此二句名莊嚴座功德成就佛本何故莊嚴此座見有菩薩於末後身敷草而坐成阿耨多羅三藐三菩提人天見者不生增上信增上恭敬增上愛樂增上修行是故願言我成佛時使無量大寶王微妙淨華臺以為佛座無量者如觀無量壽經言七寶地上有大寶蓮華王座蓮華一一葉作百寶色有八萬四千脈猶如天畫脈有八萬四千光華葉小者縱廣二百五十由旬如是華有八萬四千葉一一葉間有百億摩尼珠王以為映飾一一摩尼放千光明其光如蓋七寶合成徧覆地上釋迦毗楞伽寶以為其臺此蓮華臺八萬金剛甄叔迦寶梵摩尼寶妙真珠網以為嚴飾於其臺上自然而有四柱寶幢一一寶幢如八萬四千億須彌山幢上寶幔如夜摩天宮有五百億微妙寶珠以為映飾一一寶珠有八萬四千光一一光作八萬四千異種金色一一金光徧安樂寶土處處變化各作異相或為金剛臺或作真珠網或作雜華雲於十方面隨意變現化作

佛事如是等事出過數量是故言無量大寶王微  
妙淨華臺

相好光一尋色像超群生此二句名莊嚴身業功  
德成就佛本何故莊嚴如此身業見有佛身受一  
丈光明於入身光不甚超絕如轉輪王相好亦大  
同提婆達多所滅唯一致令阿闍世王以茲懷亂  
刪闍耶等敢如螻蛄或如此類也是故莊嚴如此  
身業案此間詰訓六尺日尋如觀無量壽經言阿  
彌陀如來身高六十萬億那由他恒河沙由旬佛  
圓光如百億三千大千世界譯者以尋而言何其

晦木代乎里舍間人不簡縱橫長短咸謂橫舒兩

手臂為尋若譯者或取此類用準阿彌陀如來舒  
臂為言故稱一尋者圓光亦應經六十萬億那由  
他恒河沙由旬是故言相好光一尋色像超群生  
問曰觀無量壽經言諸佛如來是法界身入一切  
衆生心想中是故汝等心想佛時是心卽是三十  
二相八十隨形好是心作佛是心是佛諸佛正徧  
知海從心想生是義云何答曰身名集成界名事  
別如眼界緣根色空明作意五因緣生名為眼界  
是眼但自行已緣不行他緣以事別故耳鼻等界

見心作  
下至為  
火也信  
卷一未  
出

亦如是言諸佛如來是法界身者法界是衆生心  
 法也以心能生世間出世間一切諸法故名心為  
 法界法界能生諸如來相好身亦如色等能生眼  
 識是故佛身名法界身是身不行他緣是故入一  
 切衆生心想中心想佛時是心卽是三十二相八  
 十隨形好者當衆生心想佛時佛身相好顯現衆  
 生心中也譬如水清則色像現水之與像不一不  
 異故言佛相好身卽是心想也是心作佛者言心  
 能作佛也是心是佛者心外無佛也譬如火從木  
 出火不得離木也以不離木故則能燒木木為火  
 燒木卽為火也諸佛正徧知海從心想生者正徧  
 知者真正如法界而知也法界無相故諸佛無知  
 也以無知故無不知也無知而知者是正徧知也  
 是知深廣不可測量故譬海也  
 如來微妙聲梵響聞十方此二句名莊嚴口業功  
 德成就佛本何故興此莊嚴見有如來名似不尊  
 如外道軒轅推車人稱瞿曇姓成道日聲唯徹梵  
 天是故願言使我成佛妙聲遐布聞者悟忍是故  
 言如來微妙聲梵響聞十方  
 同地水火風虛空無分別此二句名莊嚴心業功

海者已下至傾動也行卷聖若抄出然死尸作屍骸

德成就佛本何故興此莊嚴見有如來說法云此  
 黑此白此不黑不白下法中法上法上上法有如  
 是等無量差別品似有分別是故願言使我成佛  
 如地荷負無輕重之殊如水潤長無背惡下草藉瑞草  
 之異如火成熟無芳臭之別如風起發無眠悟之  
 差如空苞受無開塞之念得之于內物安於外虛  
 往實歸於是于息是故言同地水火風虛空無分  
 別天人不動眾清淨智海生此二句名莊嚴大眾  
 功德成就佛本何故起此莊嚴見有如來說法輪  
 下所有大眾諸根性欲種種不同於佛智慧若退  
 若沒以不平等故眾不純淨所以興願願我成佛所  
 有天人皆從如來智慧清淨海生海者言佛一切  
 種智深廣無涯不病二乘雜善中下死尸喻之如  
 海是故言天人不動眾清淨智海生不動者言彼  
 天人成就大乘根不可傾動也  
 如須彌山王勝妙無過者此二句名莊嚴上首功  
 德成就佛本何故起此願見有如來眾中或有強  
 梁者如提婆達多源比或有國王與佛並治不知  
 甚推佛或有請佛以他緣廢忘有如是等似上首  
 力不成就是故願言我為佛時願一切大眾無能

生心敢與我等唯一法王更無俗王是故言如須彌山王勝妙無過者

天人丈夫衆恭敬繞瞻仰此二句名莊嚴主功德成就佛本何故起此莊嚴見有佛如來雖有大衆衆中亦有不甚恭敬如一比丘語釋迦牟尼佛若不與我解十四難我當更學餘道亦如居迦離謗舍利弗佛三語而三不受又如諸外道輩假入佛衆而常伺求佛短又如第六天魔常於佛所作諸留難有如是等種種不恭敬相是故願言使我成佛天人大衆恭敬無倦所以但言天人者淨土無女人及八部鬼神故也是故言天人丈夫衆恭敬繞瞻仰

觀佛本願力遇無空過者能令速滿足功德大寶海此四句名莊嚴不虛作住持功德成就佛本何故起此莊嚴見有如來但以聲聞為僧無求佛道者或有值佛而不免三塗善星提婆達多居迦離等是也又人聞佛名號發無上道心遇惡因緣退入聲聞辟支佛地者有如是等空過者退沒者是故願言使我成佛時值遇我者皆速疾滿足無上大寶是故言觀佛本願力遇無空過者能令速滿

足功德大寶海往持義如上觀佛莊嚴八種功德  
訖之于上次觀安樂國諸大菩薩四種莊嚴功德  
成就問曰觀如來莊嚴功德何所闕少復須觀菩  
薩功德耶答曰如有明君則有賢臣堯舜之稱無  
為是其比也若使但有如來法王而無大菩薩法  
臣於翼讚道豈足云滿示如薪積小則火不大如  
經言阿彌陀佛國有無量無邊諸大菩薩如觀世  
音大勢至等皆當一生於他方次補佛處若人稱  
名憶念者歸依者觀察者如法華經普門品說無  
願不滿然菩薩受樂功德如海吞流無止足情亦  
如釋迦牟尼如來聞一目闍比丘吁言誰愛功德  
為我維鍼爾時如來從禪定起來到其所語言我  
愛福德遂為其維鍼爾時失明比丘暗聞佛語聲  
歡喜交集白佛言世尊世尊功德猶未滿耶佛報  
言我功德圓滿無所復須但我此身從功德生知  
功德恩分故是故言愛如所問觀佛功德實無願  
不充所以復觀菩薩功德者有如上種種義故耳  
安樂國清淨常轉無垢輪化佛菩薩日如須彌住  
持佛本何故起此莊嚴見有佛土但是小菩薩不  
能於十方世界廣作佛事或但聲聞人天所利狹



小是故興願願我國中有無量大菩薩衆不動本  
處福至十方種種應化如寶修行常作佛事譬如  
日在天上而影現百川日豈來耶豈不來耶如大  
集經言譬如有人善治堤塘量其所宜及放水時  
不加心力菩薩亦如是先治一切諸佛及衆生應  
供養應教化種種堤塘及入三昧身心不動如實  
修行常作佛事如實修行者雖常修行實無所修  
行也是故言安樂國清淨常轉無垢輪化佛菩薩  
日如須彌住持

無垢莊嚴光一念及一時普照諸佛會利益諸群  
生佛本何故起此莊嚴見有如來眷屬欲供養他  
方無量諸佛或欲教化無量衆生此沒彼出先南  
後北不能以一念一時放光普照徧至十方世界  
教化衆生有出沒前後相故是故興願願我佛土  
諸大菩薩於一念時頃徧至十方作種種佛事是  
故言無垢莊嚴光一念及一時普照諸佛會利益  
諸群生問曰上章云身不動搖而徧至十方不動  
而至豈非是一時義耶與此若為差別答曰上但  
言不動而至或容有前後此言無前無後是為差  
別亦是成上不動義若不一時則是往來若有往

來則非不動是故為成上不動義故須觀一時  
雨天樂華衣妙香等供養讚諸佛功德無有分別  
心佛本何故起此莊嚴見有佛土菩薩人天志趣  
不廣不能徧至十方無窮世界供養諸佛如來大  
眾或以已土穢濁不敢向詣淨鄉或以所居清淨  
鄙薄穢土以如此等種種局分於諸佛如來所不  
能周徧供養發起廣大善根是故願言我成佛時  
願我國土一切菩薩聲聞天人大眾徧至十方一  
切諸佛大會處所雨天樂天華天衣天香以巧妙  
辯辭供養讚嘆諸佛功德雖嘆穢土如來大慈謙  
忍不見佛土有雜穢相雖嘆淨土如來無量莊嚴  
不見佛土有清淨相何以故以諸法等故諸如來  
等是故諸佛如來名為等覺若於佛土起優劣心  
假使供養如來非法供養也是故言雨天樂華衣  
妙香等供養讚諸佛功德無有分別心  
何等世界無佛法功德寶我願皆往生示佛法如  
佛佛本何故起此願見有輒心菩薩但樂有佛國  
土修行無慈悲堅牢心是故興願願我成佛時我  
土菩薩皆慈悲勇猛堅固志願能捨清淨土至他  
方無佛法僧處往持莊嚴佛法僧寶示如有佛使

佛種處處不斷是故言何等世界無佛法功德寶  
我願皆往生示佛法如佛觀菩薩四種莊嚴功德  
成就訖之于上次下四句是迴向門

我作論說得願見彌陀佛普共諸衆生往生安樂  
國此四句是論主迴向門迴向者迴已功德普施  
衆生共見阿彌陀如來生安樂國無量壽修多羅  
章句我以偈頌摠說竟問曰天親菩薩迴向章中  
言普共諸衆生往生安樂國此指共何等衆生耶  
答曰案王舍城所說無量壽經佛告阿難十方恒  
河沙諸佛如來皆共稱嘆無量壽佛威神功德不

可思議諸有衆生聞其名號信心歡喜乃至一念  
至心迴向願生彼國卽得往生住不退轉唯除五  
逆誹謗正法案此而言一切外凡夫人皆得往生  
又如觀無量壽經有九品往生下下品生者或有  
衆生作不善業五逆十惡具諸不善如此愚人以  
惡業故應隨惡道經歷多劫受苦無窮如此愚人  
臨命終時遇善知識種種安慰為說妙法教令念  
佛此人苦逼不遑念佛善友告言汝若不能念者  
應稱無量壽佛如是至心令聲不絕具足十念稱  
南無無量壽佛稱佛名故於念念中除八十億劫

問曰已下至終信卷末天抄出觀无量壽經言下無作字

生死之罪命終之後見金蓮華猶如日輪住其人  
前如一念頃即得往生極樂世界於蓮華中滿十  
二大劫蓮華方開當以此償觀世音大勢至以大  
悲音聲為其廣說諸法實相除滅罪法聞已歡喜  
應時則發菩提之心是名下品下生者以此經證  
明知下品凡夫但令不誹謗正法信佛因緣皆得  
往生問曰無量壽經言願往生者皆得往生唯除  
五逆誹謗正法觀無量壽經言下作五逆十惡具諸  
不善亦得往生此二經云何會答曰一經以其二  
種重罪一者五逆二者誹謗正法以此二種罪故

所以不得往生一經但言作十惡五逆等罪不言  
誹謗正法以不誹謗正法故是故得生問曰假使一  
人具五逆罪而不誹謗正法經許得生復有一人  
但誹謗正法而無五逆諸罪願往生者得生以不  
答曰但令誹謗正法雖更無餘罪必不得生何以  
言之經言五逆罪人墮阿鼻大地獄中具受一劫  
重罪誹謗正法人墮阿鼻大地獄中此劫若盡復  
轉至他方阿鼻大地獄中如是展轉經百千阿鼻  
大地獄佛不記得出時節以誹謗正法罪極重故  
又正法者即是佛法此愚癡人既生誹謗安有願

業現本  
曾作彼  
土安樂  
稿本悞  
作彼生  
真符祖  
本故今  
從耳

生佛土之理假使但貪彼生安樂而願生者亦如  
求非水之冰無烟之火豈有得理問曰何等相是  
誹謗正法答曰若言無佛無佛法無菩薩無菩薩  
法如是等見若心自解若從他受其心決定皆名  
誹謗正法問曰如是等計但是已事於衆生有何  
苦惱踰於五逆重罪耶答曰若無諸佛菩薩說世  
間出世間善道教化衆生者豈知有仁義禮智信  
耶如是世間一切善法皆斷出世間一切賢聖皆  
滅汝但知五逆罪為重而不知五逆罪從無正法  
生是故謗正法人其罪最重問曰業道經言業道

如秤重者先牽如觀無量壽經言有人造五逆十  
惡具諸不善應隨惡道經歷多劫受無量苦臨命  
終時遇善知識教稱南無無量壽佛如是至心令  
聲不絕具足十念便得往生安樂淨土即入大乘  
正定之聚畢竟不退與三塗諸苦永隔先牽之義  
於理如何又曠劫已來備造諸行有漏之法繫屬  
三界但以十念念阿彌陀佛便出三界繫業之義  
復欲云何答曰汝謂五逆十惡繫業等為重以下  
下品人十念為輕應為罪所牽先隨地獄繫在三  
界者今當以義校量輕重之義在心在緣在決定

不在時節久近多少也云何在心彼造罪人自依  
止虛妄顛倒見生此十念者依善知識方便安慰  
聞實相法生一實一虛豈得相比譬如千歲聞室  
光若暫至即便明朗聞豈得言在室千歲而不去  
耶是名在心云何在緣彼造罪人自依止妄想心  
依煩惱虛妄果報衆生此十念者依止無上信  
心依阿彌陀如來方便莊嚴真實清淨無量功德  
名號生譬如有人被毒箭所中截筋破骨聞滅除  
藥鼓即箭出毒除首楞嚴經言譬如塗鼓聞鼓聲者箭出毒除菩薩摩訶薩亦復如是住首楞嚴三昧聞其名者三毒之箭自然拔出豈可得

言彼箭深毒厲聞鼓音聲不能拔箭去毒耶是名  
在緣云何在決定彼造罪人依止有後心有間心  
生此十念者依止無後心無間心生是名決定校  
量三義十念者重重者先率能出三有兩經一義  
耳問曰幾時名為一念答曰百一生滅名一刹那  
六十刹那名為一念此中云念者不取此時節也  
但言憶念阿彌陀佛若摠相若別相隨所觀緣心  
無他想十念相續名為十念但稱名號亦後如是  
問曰心若他緣攝之今還可知念之多少但知多  
少復非無間若疑心注想復依何可得記念之多

少答曰經言十念者明業事成辦耳不必須知頭數也如言螻蛄不識春秋伊蟲豈知朱陽之節乎知者言之耳十念業成者是亦通神者言之耳但積念相續不緣他事使罷復何暇須知念之頭數也若必須知亦有方便必須口授不得題之筆點

無量壽經優婆提舍願生偈註卷上

無量壽經優婆提舍願生偈婆數槃頭菩薩造并註卷下  
沙門曇鸞註解

論曰已下此是解義分此分中義有十重一者願偈大意二者起觀生信三者觀行體相四者淨入願心五者善巧攝化六者離菩提障七者順菩提門八者名義攝對九者願事成就十者利行滿足論者議也言議偈所以也曰者詞也指下諸句是議釋偈詞也故言論曰願偈大意者此願偈明何義示現觀彼安樂世界見阿彌陀如來願生彼國故起觀生信者此分中又有二重一者示五念力

二者出五念門示五念力者云何觀云何生信心  
若善男子善女人修五念門行成就畢竟得生安  
樂國土見彼阿彌陀佛出五念門者何等五念門  
一者禮拜門二者讚嘆門三者作願門四者觀察  
門五者迴向門門者入出義也如人得門則入出  
無碍前四念是入安樂淨土門後一念是出慈悲  
教化門云何禮拜身業禮拜阿彌陀如來應正遍  
知諸佛如來德有無量德無量故德號亦無量若  
欲具談紙筆不能載也是以諸經或舉十名或騰  
三號蓋存至宗而已豈此盡耶所言三號卽此如

來應正遍知也如來者如法相解如法相說如諸  
佛安穩道來此佛亦如是來更不去後有中故名  
如來應者應供也佛結使除盡得一切智慧應受  
一切天地衆生供養故曰應也正遍知者知一切  
諸法實不壞相不增不減云何不壞心行處滅言  
語道過諸法如涅槃相不動故名正遍知無碍光  
義如前偈中解爲生彼國意故言此菩薩之  
法常以晝三時夜三時禮十方一切諸佛不必有  
願生意今應常作願生意故禮阿彌陀如來也云  
何讚嘆口業讚嘆讚者讚揚也嘆者歌歎也讚歎



非口不宜故曰口業也稱彼如來名如彼如來光  
明智相如彼名義欲如實修行相應故稱彼如來  
名者謂稱無碍光如來名也如彼如來光明智相  
者佛光明是智慧相也此光明照十方世界無有  
障碍能除十方衆生無明黑闇非如日月珠光但  
破空穴中闇也如彼名義欲如實修行相應者彼  
無碍光如來名號能破衆生一切無明能滿衆生  
一切志願然有稱名憶念而無明由在而不滿所  
願者何者由不如實修行與名義不相應故也云  
何為不如實修行與名義不相應謂不知如來是

實相身是為物身又有三種不相應一者信心不  
淳若存若亡故二者信心不一無決定故三者信  
心不相續餘念間故此三句展轉相成以信心不  
淳故無決定無決定故念不相續亦可念不相續  
故不得決定信不得決定信故心不淳與此相違  
名如實修行相應是故論主建言我一心問曰名  
為法指如指指月若稱佛名號便得滿願者指月  
之指應能破闇若指月之指不能破闇稱佛名號  
亦何能滿願耶答曰諸法萬差不可一概有名即  
法有名異法名即法者諸佛菩薩名號般若波羅

名如實  
下至一  
心信卷  
本棋抄  
出

密及陀羅尼章句禁咒音辭等是也如禁腫辭云  
日出東方下赤下黃等句假使酉亥行禁不關日  
出而腫得差亦如行師對陳但一切齒中誦臨兵  
闔者皆陳列在前行誦此九字五兵之所不中抱  
朴子謂之要道者也又苦轉筋者以木瓜對火熨  
之則愈復有人但呼木瓜名亦愈吾身得其効也  
如斯近事世間共知况不可思議境界者乎滅除  
藥塗鼓之喻復是一事此喻已彰於前故不重引  
有名異法者如指指月等名也云何作願心常作  
願一心專念畢竟往生安樂國土欲如實修行奢

摩他故譯奢摩他曰止止者止心一處不作惡也  
此譯名乃不乖大意於義未滿何以言之如止心  
鼻端亦名為止不淨觀止貪慈悲觀止瞋因緣觀  
止癡如是等亦名為止如人將行不行亦名為止  
是知止語浮漫不正得奢摩他名也如椿柘榆柳  
雖皆名木若但云木安得榆柳耶奢摩他云止者  
今有三義一者一心專念阿彌陀如來願生彼土  
此如來名號及彼國土名號能止一切惡二者彼  
安樂土過三界道若人亦生彼國自然止身口意  
惡三者阿彌陀如來正覺住持力自然止求聲聞

辟支佛心此三種止從如來如實功德生是故言  
 欲如實修行奢摩他故云何觀察智慧觀察正念  
 觀彼欲如實修行毗婆舍那故譯毗婆舍那曰觀  
 但汎言觀義亦未滿何以言之如觀身無常苦空  
 無我九相等皆名為觀亦如上木名不得椿拓也  
 毗婆舍那云觀者亦有二義一者在此作想觀彼  
 三種莊嚴功德此功德如實故修行者亦得如實  
 功德如實功德者決定得生彼土二者亦得生彼  
 淨土即見阿彌陀佛未證淨心菩薩畢竟得證平  
 等法身與淨心菩薩與上地菩薩畢竟同得寂滅

云何回  
 向至心  
 故言乃  
 至信卷  
 本抄  
 出本抄  
 卷六抄  
 出乃相  
 者悲心  
 大悲心  
 故文

平等是故言欲如實修行毗婆奢那故彼觀察有  
 三種何等三種一者觀察彼佛國土莊嚴功德二  
 者觀察阿彌陀佛莊嚴功德三者觀察彼諸菩薩  
 莊嚴功德心緣其事曰觀觀心分明曰察云何迴  
 向不捨一切苦惱衆生心常作願迴向為首得成  
 就大悲心故迴向有二種相一者往相二者還相  
 往相者以己功德迴施一切衆生作願共往生彼  
 阿彌陀如來安樂淨土還相者生彼土已得奢摩  
 他毗婆舍那方便力成就迴入生死稠林教化一  
 切衆生共向佛道若往若還皆為拔衆生渡生死

不可思議力者下至持力所攝真佛土卷抄出然統言作說

海是故言迴向為首得成就大悲心故觀察體相者此分中有二體一者器體二者眾生體器分中又有三重一者國土體相二者示現自利利他三者入第一義諦國土體相者云何觀察彼佛國土莊嚴功德彼佛國土莊嚴功德者成就不可思議力故如彼摩尼如意寶性相似相對法故不可思議力者摠指彼佛國土十七種莊嚴功德力不可得思議也諸經統言有五種不可思議一者眾生多少不可思議二者業力不可思議三者龍力不可思議四者禪定力不可思議五者佛法力不可

思議此中佛土不可思議有二種力一者業力謂法藏菩薩出世善根大願業力所成二者正覺阿彌陀法王善住持力所攝此不可思議如下十七種一一相皆不可思議至文當釋如彼摩尼如意寶性相似相對者借彼摩尼如意寶性示安樂佛土不可思議性也諸佛入涅槃時以方便力留碎身舍利以福眾生眾生福盡此舍利變為摩尼如意寶珠此珠多在大海中大龍王以為首飾若轉輪聖王出世以慈悲方便能得此珠於閻浮提作大饒益若須衣服飲食燈明樂具隨意所欲種種

論注下

物時王便潔齊置珠於長竿頭發願言若我實是  
轉輪王者願寶珠雨如此之物若遍一里若十里  
若百里隨我心願爾時即便於虛空中雨種種物  
皆稱所須滿足天下一切人願以此寶性力故彼  
安樂佛土亦如是以安樂性種種成就故相似相  
對者彼寶珠力求衣食者能雨衣食等物稱求者  
意非是不求彼佛土則不然性滿足成就故無所  
乏少片取彼性為喻故言相似相對又彼寶但能  
與眾生衣食等願不能與眾生無上道願又彼寶  
但能與眾生一身願不能與眾生無量身願有知

是等無量差別故言相似觀察彼佛國土莊嚴功  
德成就者有十七種應知何等十七一者莊嚴清  
淨功德成就二者莊嚴量功德成就三者莊嚴性  
功德成就四者莊嚴形相功德成就五者莊嚴種  
種事功德成就六者莊嚴妙色功德成就七者莊  
嚴觸功德成就八者莊嚴三種功德成就九者莊  
嚴雨功德成就十者莊嚴光明功德成就十一者  
莊嚴妙聲功德成就十二者莊嚴主功德成就十  
三者莊嚴眷屬功德成就十四者莊嚴受用功德  
成就十五者莊嚴無諸難功德成就十六者莊嚴

莊嚴清淨下至繫分焉不可思議證卷又直佛土卷統同抄出

大義門功德成就十七者莊嚴一切所求滿足功德成就先舉章門次續提釋莊嚴清淨功德成就者偈言觀彼世界相勝過三界道故此云何不思議有凡夫人煩惱成就亦得生彼淨土三界繫業畢竟不牽則是不斷煩惱得涅槃分焉可思議莊嚴量功德成就者偈言究竟如虛空廣大無邊際故此云何不思議彼國人天若意欲宮殿樓閣若廣一由旬若百由旬若千由旬千間萬間隨心所成人各如此又十方世界衆生願往生者若已生若今生若當生一時一日之頃算數所不能知其多少而彼世界常若虛空無迫近相彼中衆生住如此量中志願廣大亦如虛空無有限量彼國土量能成衆生心行量何可思議莊嚴性功德成就者偈言正道大慈悲出世善根生故此云何不思議譬如迦羅求羅蟲其形微小若得大風身如大山隨風大小為己身相生安樂衆生亦復如是生彼正道世界即成就出世善根入正定聚亦如彼風非身而身焉可思議莊嚴形相功德成就者偈言淨光明滿足如鏡日月輪故此云何不思議夫忍辱得端正我心影響也一得生彼無瞋忍之殊

人天色像平等妙絕蓋淨光之力也彼光非心行而為心行之事焉可思議莊嚴種種事功德成就者偈言備諸珍寶性具足妙莊嚴故此云何不思議彼種種事或一寶十寶百千種寶隨心稱意無不具足若欲令無儻焉化沒心得自在有踰神通安可思議莊嚴妙色功德成就者偈言無垢光炎熾明淨曜世間故此云何不思議其光曜事則映徹表裏其光曜心則終盡無明光為佛事焉可思議莊嚴觸功德成就者偈言寶性功德草柔軟左右旋觸者生勝樂過迦旃隣陀故此云何不思議

夫寶例堅強而此柔軟觸樂應著而此增道事同愛作何可思議有菩薩字愛作形容端正生人深著經言染之者或生天上或發菩提心莊嚴三種功德成就者有三種事應知何等三種一者水二者地三者虛空此三種所以并言以同類故也以言之一者六大類所謂虛空識地水火風二者無分別類所謂地水火風虛空但言三類者識一大屬衆生世間故火一大彼中無故雖有風風不可見故無住處故是以六大五類中取有而可莊嚴三種并言之莊嚴水功德成就者偈言寶華

千萬種彌覆池流泉微風動華葉交錯光亂轉故此云何不思議彼淨土人天非水穀身何須水耶清淨成就不須洗濯復何用水耶彼中無四時常調適不煩熱復何須水耶不須而有當有所以經言彼諸菩薩及聲聞若入寶池意欲令水沒足水即沒足欲令至膝水即至膝欲令至腰水即至腰欲令至頸水即至頸欲令灌身自然濯身欲令還復水輒還復調和冷煖自然隨意開神悅體蕩除心垢清明澄潔淨若無形寶沙映徹無滌不照微瀾迴流轉相灌注安祥徐逝不遲不疾波揚無量

自然妙聲隨其所應莫不聞者或聞佛聲或聞法聲或聞僧聲或聞寂靜聲空無我聲大慈悲聲波羅蜜聲或聞十力無畏不共法聲諸通惠聲無所作聲不起滅聲無生忍聲乃至甘露灌頂衆妙法聲如是等聲稱其所聞歡喜無量隨順清淨離欲寂滅真實之義隨順三寶力無所畏不共之法隨順通惠菩薩聲聞所行之道無有三塗苦難之名但有自然快樂之音是故其國名曰安樂此水為佛事安可思義莊嚴地功德成就者偈言宮殿諸樓閣觀十方無碍雜樹異光色寶欄遍圍遶故此



云何不思議彼種種事或一寶十寶百寶無量寶  
隨心稱意莊嚴具足此莊嚴事如淨明鏡十方國  
土淨穢諸相善惡業緣一切悉現彼中人天見斯  
事故探湯不及之情自然成就亦如諸大菩薩以  
照法性等寶為冠此寶冠中皆見諸佛又了達一  
切諸法之性又如佛說法華經時放眉間光照于  
東方萬八千土皆如金色從阿鼻獄上至有頂諸  
世界中六道衆生生死所趣善惡業緣受報好醜  
於此悉見蓋斯類也此影為佛事安可思議莊嚴  
虛空功德成就者偈言無量寶交絡羅網遍虛空

種種鈴發響宣吐妙法音故此云何不思議經言  
無量寶網彌覆佛土皆以金縷真珠百千雜寶奇  
妙珍異莊嚴校飾周匝四面垂以寶鈴光色晃耀  
盡極嚴麗自然德風徐起微動其風調和不寒不  
暑溫涼柔軟不遲不疾吹諸羅網及衆寶樹演發  
無量微妙法音流布萬種溫雅德香其有聞者塵  
勞垢習自然不起風觸其身皆得快樂此聲為佛  
事焉可思議莊嚴雨功德成就者偈言雨華衣莊  
嚴無量香普薰故此云何不思議經言風吹散華  
遍滿佛土隨色次第而不雜亂柔軟光澤馨香芬

烈足履其上陷下四寸隨舉足已還復如故華用已訖地輒開裂以次化沒清淨無遺隨其時節風吹散華如是六返又眾寶蓮華周滿世界一一寶華百千億葉其華光明無量種色青色青光白色白光玄黃朱紫光色亦然暉暉燦爛明曜日月一一華中出三十六百千億光一一光中出三十六百千億佛身色紫金相好殊特一一諸佛又放百千光明普為十方說微妙法如是諸佛各各安立無量眾生於佛正道華為佛事安可思議莊嚴光明功德成就者偈言佛惠明淨日除世癡闇冥故

莊嚴妙  
聲下至  
眷屬無  
量焉可  
思議証  
出

此云何不思議彼土光明從如來智慧報起觸之者無明黑闇終必消除光明非惠能為惠用焉可思議莊嚴妙聲功德成就者偈言梵聲悟深遠微妙聞十方故此云何不思議經言若人但聞彼國土清淨安樂起念願生亦得往生則入正定聚此是國土名字為佛事安可思議莊嚴主功德成就者偈言正覺阿彌陀法王善住持故此云何不思議正覺阿彌陀不可思議彼安樂淨土為正覺阿彌陀善力住持云何可得思議耶住名不異不滅持名不散不失如以不劫藥塗種子在水不灑在

彼安樂  
下至別  
道故行  
卷抄  
出然莫  
非下無  
是字

火不燒得因緣則生何以故不朽藥力故若人一  
生安樂淨土後時意願生三界教化衆生捨淨土  
命隨願得生雖生三界雜生水火中無上菩提種  
子畢竟不朽何以故以逕正覺阿彌陀善住持故  
莊嚴眷屬功德成就者偈言如來淨華衆正覺華  
化生故此云何不思議凡是雜生世界若胎若卵  
若濕若化眷屬若干苦樂萬品以雜業故彼安樂  
國土莫非是阿彌陀如來正覺淨華之所化生同  
一念佛無別道故遠通夫四海之內皆為兄弟也  
眷屬無量焉可思議莊嚴受用功德成就者偈言

愛樂佛法味禪三昧為食故此云何不思議不食  
而資命蓋所資有以也豈不是如來滿本願乎乘  
佛願為我命焉可思議莊嚴無諸難功德成就者  
偈言永離身心惱受樂常無間故此云何不思議  
經言身為苦器心為惱端而彼有身有心而受樂  
無間安可思議莊嚴大義門功德成就者偈言大  
乘善根界等無譏嫌名女人及根缺二乘種不生  
故淨土果報離二種譏過應知一者體二者名體  
有三種一者二乘人二者女人三者諸根不具人  
無此三過故名離體譏嫌名亦三種非但無三體

願往生  
下至一  
味焉可  
思議証  
出左抄

乃至不聞二乘女人諸根不具三種名故名離名  
譏嫌等者平等一相故此云何不思議夫諸天共  
啜飯有隨福之色足指安地乃詳金磔之旨而願  
往生者本則三三之品今無一二之殊示如溜瀾  
食陵一味焉可思議莊嚴一切所求滿足功德成  
就者偈言衆生所願樂一切能滿足故此云何不  
思議彼國人天若欲願往他方世界無量佛刹供  
養諸佛菩薩及所須供養之具無不稱願又欲捨  
彼壽命向餘國生脩短自在隨願皆得未階自在  
之位而同自在之用焉可思議示現自利利他者

示現自  
利下至  
神之耳  
真佛士  
出左抄

略說彼阿彌陀佛國土十七種莊嚴功德成就示  
現如來自身利益大功德力成就利益他功德成  
就故言略者彰彼淨土功德無量非唯十七種也  
夫須彌之入芥子毛孔之納大海豈山海之神乎  
毛芥之力乎能神者神之耳是故十七種雖曰利  
他自利之義炳然可知入第一義諦者彼無量壽  
佛國土莊嚴第一義諦妙境界相十六句及一句  
次第說應知第一義諦者佛因緣法也此諦是境  
義是故莊嚴等十六句稱為妙境界相此義至入  
一法句文當更解釋及一句次第者謂觀器淨等

摠別十七句觀行次第也云何起次鍵章言歸命  
 無碍光如來願生安樂國此中有疑疑言生為有  
 本眾累之元棄生願生生何可盡為釋此疑是故  
 觀彼淨土莊嚴功德成就明彼淨土是阿彌陀如  
 來清淨本願無生之生非如三有虛妄生也何以  
 言之夫法性清淨畢竟無生言生者是得生者之  
 情耳生苟無生生何所盡盡夫生者上失無為能  
 為之身下酖善反三空不空之痼瘳也病也根敗  
 永亡號振三千無反無復於斯招耻體夫生理謂  
 之淨土淨土之宅所謂十七句是也十七句中摠

別為二初句是摠相所謂是清淨佛土過三界道  
 彼過三界有何相下十六種莊嚴功德成就相是  
 也一者量究竟如虛空廣大無邊際故既知量此  
 量以何為本是故觀性性是本義彼淨土從正道  
 大慈悲出世善根生既言出世善根此善根生何  
 等相是故次觀莊嚴形相既知形相宜知形相何  
 等體是故次觀種種事既知種種事宜知種種事  
 妙色是故次觀妙色既知妙色此色有何觸是故  
 次觀觸既知身觸應知眼觸是故次觀水地虛空  
 莊嚴三事既知眼觸應知鼻觸是故次觀衣華香

薰既知眼鼻等觸須知離深是故次觀佛惠明照  
既知惠光淨力宜知聲名遠近是故次觀梵聲遠  
聞既知聲名宜知誰為增上是故次觀主既知有主  
誰為主眷屬是故次觀眷屬既知眷屬宜知此眷  
屬若為受用是故次觀受用既知受用宜知此受  
用有難無難是故次觀無諸難既知無諸難以何  
義故無諸難是故次觀大義門既知大義門宜知  
大義門滿不滿是故次觀所求滿足復次此十七  
句非但釋疑觀此十七種莊嚴成就就能生真實淨  
信必定得生彼安樂佛土問曰上言知生無生當  
是上品生者若下下品人乘十念往生豈非取實  
生耶但取實生即墮二執一恐不得往生二恐更  
生生惑答譬如淨摩尼珠置之濁水即清淨若人  
雖有無量生死之罪濁聞彼阿彌陀如來至極無  
生清淨寶珠名號投之濁心心念念之中罪滅心淨  
即得往生又是摩尼珠以玄黃幣裹投之於水水  
即玄黃一如物色彼清淨佛土有阿彌陀如來無  
上寶珠以無量莊嚴功德成就帛裹投之於所往  
生者心水豈不能轉生見為無生智乎又如冰上  
燃火火猛則水解則解則火滅彼下品人雖不知

法性無生。但以稱佛名力。作往生意。願生彼土。彼土是無生界。見生之火。自然而滅。衆生體者。此分中有二重。一者觀佛。二者觀菩薩。觀佛者。云何觀佛。莊嚴功德成就。觀佛莊嚴功德成就者。有八種。相應。知此觀義。已彰前偈。何等八種。一者莊嚴座功德成就。二者莊嚴身業功德成就。三者莊嚴口業功德成就。四者莊嚴心業功德成就。五者莊嚴衆功德成就。六者莊嚴上首功德成就。七者莊嚴主功德成就。八者莊嚴不虛作住持功德成就。何者莊嚴座功德成就。偈言無量大寶王。微妙淨華臺。故若欲觀座。當依觀無量壽經。何者莊嚴身業功德成就。偈言相好光一尋。色像超群生。故若欲觀佛身。當依觀無量壽經。何者莊嚴口業功德成就。偈言如來微妙聲。梵響聞十方。故何者莊嚴心業功德成就。偈言同地水火風。虛空無分別。故無分別者。無分別心。故凡夫衆生身口意三業。以造罪輪轉三界。無有窮已。是故諸佛菩薩莊嚴身口意三業。用治衆生虛誑三業也。云何用治衆生以身見故。受三塗身卑賤身醜陋身八難身流轉身如是等衆生。見阿彌陀如來相好光明身者。如上種

種身業繫縛皆得解脫入如來家畢竟得平等身  
 業衆生以憍慢故誹謗正法毀皆賢聖捐庫尊長  
 尊者君父師也長者有德之人及兄黨也如是人應受拔舌苦瘡瘻苦  
 言教不行苦無名聞苦如是等種種諸苦衆生聞  
 阿彌陀如來至德名號說法音聲如上種種口業  
 繫縛皆得解脫入如來家畢竟得平等口業衆生  
 以邪見故心生分別若有若無若非若是若好若  
 醜若善若惡若彼若此有如是等種種分別以分  
 別故長淪三有受種種分別苦取捨苦長夜大夜  
 無有出期是衆生若遇阿彌陀如來平等光照若

聞阿彌陀如來平等意業是等衆生如上種種意  
 業繫縛皆得解脫入如來家畢竟得平等意業問  
 曰心是覺知相云何可得同地水火風無分別耶  
 答曰心雖知相入實相則無知也譬如蛇性雖曲  
 入竹筒則直又如人身若針刺若蜂螫式亦則有  
 覺知若石蛭之一一吸若甘刀割則無覺知如是等  
 有知無知在于因緣若在因緣則非知非無知也  
 問曰心入實相可令無知云何得有一切種智耶  
 答曰凡心有知則有所不知聖心無知故無所不  
 知無知而知即無知也問曰既言無知故無所



何者莊  
屈不虛  
作下至  
故曰成  
就行卷  
標抄出  
中略人  
有等四

不知若無所不知者豈不是知種種法耶既知種  
種之法復云何言無所分別耶答曰諸法種種相  
皆如幻化然幻化象馬非無長頸鼻手足異而智  
者觀之豈言定有象馬分別之耶何者莊嚴大衆  
功德成就偈言天人不動衆清淨智海生故何者  
莊嚴上首功德成就偈言如須彌山王勝妙無過  
者故何者莊嚴主功德成就偈言天人丈夫衆恭  
敬繞瞻仰故何者莊嚴不虛作住持功德成就偈  
言觀佛本願力遇無空過者能令速滿足功德大  
寶海故不虛作住持功德成就者蓋是阿彌陀如

十七字  
又真佛  
土卷柱  
同抄出  
中略今  
當略示  
等六十  
九字

即見彼  
佛下至  
是名教  
化地事  
五功德  
相証卷  
中略出

來本願力也今當略示虛作之相不能住持用顯  
彼不虛作住持之義人有輟止也反真食養士或疊  
起舟中積金盈庫而不免餓死如斯之事觸目  
皆是得非作得在非守在皆由虛妄業作不能住  
持也所言不虛作住持者依本法藏菩薩四十八  
願今日阿彌陀如來自在神力願以威力以就  
願願不徒然力不虛設力願相符畢竟不差故曰  
成就即見彼佛未證淨心菩薩畢竟得證平等法  
身與淨心菩薩與上地諸菩薩畢竟同得寂滅平  
等故平等法身者八地已上法性生身菩薩也寂

寂滅平等下十  
三字

滅平等者即此法身菩薩所證寂滅平等之法也  
以得此寂滅平等法故名為平等法身以平等法  
身菩薩所得故名為寂滅平等法也此菩薩得報  
生三昧以三昧神力能一處一念一時遍十方世  
界種種供養一切諸佛及諸佛大會眾海能於無  
量世界無佛法僧處種種示現種種教化度脫一  
切眾生常作佛事初無往來想供養想度脫想是  
故此身名為平等法身此法名為寂滅平等法也  
未證淨心菩薩者初地已上七地已還諸菩薩也  
此菩薩示能現身若百若干若萬若億若百千萬

須字又  
未得作  
未証

億無佛國土施作佛事須作心入三昧乃能非  
不作心以作心故名為未得淨心此菩薩願生安  
樂淨土即見阿彌陀佛見阿彌陀佛時與上地諸  
菩薩畢竟身等法等龍樹菩薩婆藪槃頭菩薩輩  
願生彼者當為此耳問曰案十地經菩薩進趣階  
級漸有無量功勳迺多劫數然後乃得此云何見  
阿彌陀佛時畢竟與上地諸菩薩身等法等耶答  
曰言畢竟者未言即等也畢竟不失此等故言等  
耳問曰若不即等復何待言菩薩但登初地以漸  
增進自然當與佛等何假言與上地菩薩等答曰

答曰下  
祖本無  
言字

菩薩於七地中得大寂滅上不見諸佛可求下不見衆生可度欲捨佛道證於實際爾時若不得十方諸佛神力加勸卽便滅度與二乘無異菩薩若往生安樂見阿彌陀佛卽無此難是故須言畢竟平等復次無量壽經中阿彌陀如來本願言設我得佛他方佛土諸菩薩衆來生我國究竟必至一生補處除其本願自在所化為衆生故被弘誓證積累德本度脫一切遊諸佛國修菩薩行供養十方諸佛如來開化恒沙無量衆生使立無上正真之道超出常倫諸地之行現前修習普賢之德若不爾者不取正覺案此經推彼國菩薩或不從一地至一地言十地階次者是釋迦如來於閻浮提一應化道耳他方淨土何必如此五種不思議中佛法最不可思議若言菩薩必從一地至一地無超越之理未敢詳也譬如樹名曰好堅是樹地生百歲乃具一日長高百丈日日如此計百歲之長豈類脩松耶見松生長日不過寸聞彼好堅何能不疑卽曰有人聞釋迦如來證羅漢於一聽制無生於終朝謂是接誘之言非稱實之說聞此論事亦當不信夫非常之言不入常人之耳謂之

日字祖  
本作日

不然亦  
下祖本  
有可字

次觀下  
祖本有  
佛字具  
足應下  
有知字

不然亦其宜也略說八句示現如來自利利他功德莊嚴次第成就應知此云何次第前十七句是莊嚴國土功德成就既知國土相應知國土之主是故次觀佛莊嚴功德彼佛若為莊嚴於何處坐是故先觀座既知座已宜知座主是故次觀佛莊嚴身業既知身業應知有何聲名是故次觀佛莊嚴口業既知名聞宜知得名所以是故次觀佛莊嚴心業既知三業具足應為人天大師堪受化者是誰是故次觀大衆功德既知大衆有無量功德宜知上首者誰是故次觀上首上首是佛既知上首

成已祖  
本作成  
也

恐同長幼是故次觀主既知是主主有何增上是故次觀莊嚴不虛作住持八句次第成已觀菩薩者云何觀察菩薩莊嚴功德成就觀察菩薩莊嚴功德成就者觀彼菩薩有四種正修行功德成就應知真如是諸法正體體如而行則是不行不行而行名如實修行體唯一如而義分為四是故四行以一正統之何者為四一者於一佛土身不動搖而遍十方種種應化如實修行常作佛事偈言安樂國清淨常轉無垢輪化佛菩薩日如須彌住持故開諸衆生於泥華故八地已上菩薩常在三

昧以三昧力身不動本處而能遍至十方供養諸佛教化眾生無垢輪者佛地功德也佛地功德無習氣煩惱垢佛為諸菩薩常轉此法輪諸大菩薩亦能以此法輪開導一切無暫時休息故言常轉法身如日而應化身光遍諸世界也言日未足以明不動復言如須彌住持也淤泥華者經言高原陸地不生蓮華卑濕淤泥乃生蓮華此喻凡夫在煩惱泥中為菩薩開道能生佛正覺華諒夫紹隆三寶常使不絕二者彼應化身一切時不前不後一心一念放大光明悉能遍至十方世界教化眾生種種方便修行所作滅除一切眾生苦故偈言無垢莊嚴光一念及一時普照諸佛繪利益諸群生故上言不動而至容或至有前後是故復言一念一時無前後也三者彼於一切世界無餘照諸佛會大眾無餘廣大無量供養恭敬讚嘆諸佛如來功德偈言雨天樂華衣妙香等供養讚諸佛功德無有分別心故無餘者明遍至一切世界一切諸佛大會無有一世界一佛會不至也肇公言法身無像而殊形並應至韻無言而玄籍彌布冥權無謀而動與事會蓋斯意也四者彼於十方一切

無前後  
祖本無  
前無後

論註下

淨入願心者下  
至因有  
也信奉  
本越抄  
出然類  
心者下  
有論日  
一法句  
下祖本  
有者字

世界無三寶處往持莊嚴佛法僧寶功德大海遍  
示令解如實修行得言何等世界無佛法功德寶  
我願皆往生示佛法如佛故上三句雖言遍至皆  
是有佛國土若無此句便是法身有所不法上善  
有所不善觀行體相竟已下是解義中第四重名  
為淨入願心淨入願心者又向說觀察莊嚴佛土  
功德成就莊嚴佛功德成就莊嚴菩薩功德成就  
此三種成就願心莊嚴應知應知者應知此三種  
莊嚴成就由本四十八願等清淨願心之所莊嚴  
因淨故果淨非無因他因有也略說入一法句故  
上國土莊嚴十七句如來莊嚴八句菩薩莊嚴四  
句為廣入一法句為略何故示現廣略相入諸佛  
菩薩有二種法身一者法性法身二者方便法身  
由法性法身生方便法身由方便法身出法性法  
身此二法身異而不可分一而不可同是故廣略  
相入統以法名菩薩若不知廣略相入則不能自  
利利他一法句者謂清淨句清淨句者謂真實智  
慧無為法身故此三句展轉相入依何義名之為  
法以清淨故依何義名為清淨以真實智慧無為  
法身故真實智慧者實相智慧也實相無相故真

論注下

二二四

智無知也無為法身者法性身也法性寂滅故法  
 身無相也無相故能無不相是故相好莊嚴即法  
 身也無知故能無不知是故一切種知即真實智  
 慧也以真實而目智慧明智慧非作非作也以  
 無為而標法身明法身非色非非色也非于非者  
 豈非非之能是乎蓋無非之日是也自是無待復  
 非是也非是非非百非之所不喻是故言清淨句  
 清淨句者謂真實智慧無為法身也此清淨有二  
 種應知上轉入句中通一法入清淨通清淨入法  
 身今將別清淨出二種故故言應知何等二種一

者器世間清淨二者眾生世間清淨器世間清淨  
 者如向說十七種莊嚴佛土功德成就是名器世  
 間清淨眾生世間清淨者如向說八種莊嚴佛功  
 德成就四種莊嚴菩薩功德成就是名眾生世間  
 清淨如是一法句攝二種清淨義應知夫眾生為  
 別報之體國土為共報之用體用不一所以應知  
 然諸法心成無餘境界眾生及器復不得異不得  
 一不一則義分不異同清淨器者用也謂彼淨土  
 是彼清淨眾生之所受用故名為器如淨食用不  
 淨器以器不淨故食亦不淨不淨食用淨器食不

不得異  
 下祖本  
 無不得  
 一三字

出家者  
下祖本  
無持戒  
破戒皆  
五字有  
亦字

淨故器亦不淨要二俱潔乃得稱淨是以一清淨  
名必攝二種問曰言衆生清淨則是佛與菩薩彼  
諸人夫得入此清淨數不答曰得名清淨非實清  
淨譬如出家聖人以殺煩惱賊故名爲比丘凡夫  
出家者持戒破戒皆名比丘又如灌頂王子初生  
之時具三十二相卽爲七寶所屬雖未能爲轉輪  
王事亦名轉輪王以其心爲轉輪王故彼諸人天  
亦復如是皆入大乘正定之聚畢竟當得清淨法  
身以當得故得名清淨善巧攝化者如是菩薩奢  
摩他毗婆舍那廣略修行成就柔輒心柔輒心者  
謂廣略止觀相順修行成不二心也譬如以水取  
影清淨相資而成就也如實知廣略諸法如實知  
者如實相而知也廣中二十九句略中一句莫非  
實相也如是成就巧方便迴向如是者如前後廣  
略皆實相也以知實相故則知三界衆生虛妄相  
也知衆生虛妄則生真實慈悲也知真實法身則  
起真實歸依也慈悲之與歸依巧方便在下何者  
菩薩巧方便迴向菩薩巧方便迴向者謂說禮拜  
等五種修行所集一切功德善根不求自身住持  
之樂欲拔一切衆生苦故作願攝取一切衆生共



佛國下  
祖本有  
土字業  
王舍下  
至向佛  
道信卷  
本抄抄  
出

撰取上  
祖本有  
是字類  
生彼等  
十六字  
信卷末  
三抄出

巧方便  
祖本作  
方便

同生彼安樂佛國是名菩薩巧方便迴向成就案  
王舍城所說無量壽經三輩生中雖行有優劣莫  
不皆發無上菩提之心此無上菩提心即是願作  
佛心願作佛心即是度眾生心度眾生心即攝取  
眾生生有佛國土心是故願生彼安樂淨土者要  
發無上菩提心也若人不發無上菩提心但聞彼  
國土受樂無間為樂故願生亦當不得往生也是  
故言不求自身住持之樂欲拔一切眾生苦故住  
持樂者謂彼安樂淨土為阿彌陀如來本願力之  
所住持受樂無間也凡釋迴向名義謂以已所集

一切功德施與一切眾生共向佛道巧方便者謂  
菩薩願以已智慧火燒一切眾生煩惱草木若有  
一眾生不成佛我不作佛而眾生未盡成佛菩薩  
已自成佛譬如火燒聽念欲摘聽歷一切草木燒  
令使盡草木未盡火橋已盡以後其身而身先故  
名巧方便此中言方便者謂作願攝取一切眾生  
共同生彼安樂佛國彼佛國即是畢竟成佛道路  
無上方便也障菩提門者菩薩如是善知迴向成  
就即能遠離三種菩提門相違法何等三種一者  
依智慧門不求自樂遠離我心貪著自身故知進

守退曰智知空無我曰惠依智故不求自樂依惠  
 故遠離我心貪著自身二者依慈悲門拔一切衆  
 生苦遠離無安衆生心故拔苦曰慈與樂曰悲依  
 慈故拔一切衆生苦依悲故遠離無安衆生心三  
 者依方便門憐愍一切衆生心遠離供養恭敬自  
 身心故正直曰方便已曰便依正直故生憐愍一  
 切衆生心依外已故遠離供養恭敬自身心是名  
 遠離三種菩提門相違法順菩提門者菩薩遠離  
 如是三種菩提門相違法得三種隨順菩提門法  
 滿足故何等三種一者無染清淨心以不為自身  
 求諸樂故菩提是無染清淨處若為身求樂即違  
 菩提是故無染清淨心是順菩提門二者安清淨  
 心以拔一切衆生苦故菩提是安穩一切衆生清  
 淨處若不作心拔一切衆生離生死苦即便違菩  
 提是故拔一切衆生苦是順菩提門三者樂清淨  
 心以令一切衆生得大菩提故以攝取衆生彼  
 國土故菩提是畢竟常樂處若不令一切衆生得  
 畢竟常樂則違菩提此畢竟常樂依何而得依大  
 乘門大乘門者謂彼安樂佛國土是也是故又言  
 以攝取衆生彼國土故是名三種隨順菩提門

論語  
 二十七

省衆按  
下祖本  
無省按  
二字

法滿足應知名義攝對者向說智慧慈悲方便三  
種門攝取般若般若攝取方便應知般若者達如  
之惠名方便者通權之智稱達如則心行寂滅通  
權則備省衆機省機之智備應而無知寂滅之惠  
亦無知而備省然則智慧方便相緣而動相緣而  
靜動不失靜智慧之功也靜不癡動方便之力也  
是故智慧慈悲方便攝取般若般若攝取方便應  
智者謂應知智慧方便是菩薩父母若不依智慧  
方便菩薩法則不成就何以故若無智慧為衆生  
時則墮顛倒若無方便觀法性時則證實際是故

我心下  
祖本無  
不字

應知向說遠離我心不貪著自身遠離無安衆生  
心遠離供養恭敬自身心此三種法遠離障菩提  
心應知諸法各有障是相如風能障靜土能障水  
濕能障火五黑十惡障人天四顛倒障聲聞果此  
中三種不遠離障菩提心應知者若欲得無障當  
遠離此三種障礙也向說無染清淨心安清淨心  
樂清淨心此三種心略一處成就妙樂勝真心應  
知樂有三種一者外樂謂五識所生樂二者內樂  
謂初禪二禪三禪意識所生樂三者法樂五角樂  
魯各謂智慧所生樂此智慧所生樂從愛佛功德

起是遠離我心遠離無安眾生心遠離自供艱心  
 是三種心清淨增進略為妙樂勝真心妙言其好  
 以此樂緣佛生故勝言勝出三界中樂真言不虛  
 偽不顛倒願事成就者如是菩薩智慧心方便心  
 無障心勝真心能生清淨佛國土應知應知者謂  
 應知此四種清淨功德能得生彼清淨佛國土非  
 是他緣而生也是名菩薩摩訶薩隨順五種法門  
 所作隨意自在成就如向所說身業口業意業智  
 業方便智業隨順法門故隨意自在者言此五種  
 功德力能生清淨佛土出沒自在也身業者禮拜  
 也口業者讚嘆也意業者作願也智業者觀察也  
 方便智業者迴向也言此五種業和合則是隨順  
 往生淨土法門自在業成就利行滿足者復有五  
 種門漸次成就五種功德應知何者五門一者近  
 門二者大會眾門三者宅門四者屋門五者園林  
 遊藏地門此五種示現入出次第相入相中初至  
 淨土是近相謂入大乘正定聚近阿耨多羅三藐  
 三菩提入淨土已便入如來大會眾數入眾數已  
 當至修行安心之宅入宅已當至修行所居屋宇  
 尤舉修行成就已當至教化地教化地即是菩薩

起是遠離我心遠離無安眾生心遠離自供艱心  
是三種心清淨增進略為妙樂勝真心妙言其好  
以此樂緣佛生故勝言勝出三界中樂真言不虛  
偽不顛倒願事成就者如是菩薩智慧心方便心  
無障心勝真心能生清淨佛國土應知應知者謂  
應知此四種清淨功德能得生彼清淨佛國土非  
是他緣而生也是名菩薩摩訶薩隨順五種法門  
所作隨意自在成就如向所說身業口業意業智  
業方便智業隨順法門故隨意自在者言此五種  
功德力能生清淨佛土出沒自在也身業者禮拜

也口業者讚嘆也意業者作願也智業者觀察也  
方便智業者迴向也言此五種業和合則是隨順  
往生淨土法門自在業成就利行滿足者復有五  
種門漸次成就五種功德應知何者五門一者近  
門二者大會眾門三者宅門四者屋門五者園林  
遊戲地門此五種示現入出次第相入相中初至  
淨土是近相謂入大乘正定聚近阿耨多羅三藐  
三菩提入淨土已便入如來大會眾數入眾數已  
當至修行安心之宅入宅已當至修行所居屋宇  
尤舉修行成就已當至教化地教化地即是菩薩

自娛樂地是故出門稱園林遊戲地門此五種門  
初四種門成就入功德第五門成就出功德此入  
出功德何者是釋言入第一門者以禮拜阿彌陀  
佛為生彼國故得生安樂世界是名入第一門禮  
佛願生佛國是初功德相入第二門者以讚嘆阿  
彌陀佛隨順名義稱如來名依如來光明智相修  
行故得入大會眾數是名入第二門依如來名義  
讚嘆是第二功德相入第三門者以一心專念作  
願生彼修奢摩他寂靜三昧行故得入蓮華藏世  
界是名入第三門為修寂靜止故一心願生彼國  
是第三功德相入第四門者以專念觀察彼妙莊  
嚴修毗婆舍那故得到彼處受用種種法味樂是  
名入第四門種種法味樂者毗婆舍那中有觀佛  
國土清淨味攝受眾生大乘味畢竟住持不虛作  
味類事起行願取佛土味有如是等無量莊嚴佛  
道味故言種種是第四功德相出第五門者以大  
慈悲觀察一切苦惱眾生示應化身迴入生死園  
煩惱林中遊戲神通至教化地以本願力迴向故  
是名出第五門示應化身者如法華經普門示現  
之類也遊戲有二義一者自在義菩薩度眾生譬

言本願  
下至局  
分也行  
卷評抄  
出

如獅子搏鹿所為不難如似遊戲二者度無所度  
義菩薩觀衆生畢竟無所有雖度無量衆生而實  
無一衆生得滅度者示度衆生如似遊戲言本願  
力者示大菩薩於法身中常在三昧而現種種身  
種種神通種種說法皆以本願力起譬如阿修羅  
琴雖無敵者而音曲自然是名教化地第五功德  
相菩薩入四種門自利行成就應知成就者謂自  
利滿足也應知者謂應知由自利故則能利他非  
是不能自利而能利他也菩薩出第五門迴向利  
益他行成就應知成就者謂以迴向因證教化地

五念門  
根本作  
五門

果若因若果無有一事不能利他應知者謂應知  
由利他故則能自利非是不能利他而能自利也  
菩薩如是修五念門行自利利他速得成就阿耨  
多羅三藐三菩提故佛所得法名為阿耨多羅三  
藐三菩提以得此菩提故名爲佛今言速得阿耨  
多羅三藐三菩提是得早作佛也阿名無釋多羅  
名上三藐名正三名遍菩提名道統而譯之名爲  
無上正遍道無上者言此道窮理盡性更無過者  
何以言之以正故正者聖智也如法相而知故稱  
爲正智法性無相故聖智無知也遍有二種一者

聖心遍知一切法，二者法身遍滿法界。若身若心無不遍也。道者無碍道也。經言十方無碍人一道出生死一道者，一無碍道也。無碍者謂知生死即是涅槃如是等，入不二法門無碍相也。問曰有何因緣言速得成就阿耨多羅三藐三菩提？答曰論言修五門行，以自利利他成就。故然覈求其本，阿彌陀如來為增上緣，他利之與利他談有左右。若自佛而言，宜言利他。自眾生而言，宜言他利。今將談佛力是故以利他言之。當知此意也。凡是生彼淨土及彼菩薩人天所起諸行，皆緣阿彌陀如來

祖本若不生者

本願力故。何以言之？若非佛力四十八願便是徒設。今的取三願用證義意。願言設我得佛十方衆生至心信樂欲生我國乃至十念若不得生者不取正覺。唯除五逆誹謗正法緣佛願力故。十念念佛便得往生得往生故。即免三界輪轉之事。無輪轉故所以得速一證也。願言設我得佛國中人不往正定聚必至滅度者不取正覺緣佛願力故。住正定聚住正定聚故必至滅度無諸迴伏之難所以得速二證也。願言設我得佛他方佛土諸菩薩衆來生我國究竟必至一生補處除其本願自

正定聚祖本作定聚

論注下

三十三



諸地之行  
故祖本

禪定故  
祖本作  
以修禪  
定故

遇我祖  
本作愚

經始等  
十字信  
卷本  
抄出

在所化為衆生故被弘誓證積累德本度脫一切  
遊諸佛國修菩薩行供養十方諸佛如來開化恒  
沙無量衆生使立無上正真之道超出常倫諸地  
之行現前修習普賢之德若不爾者不取正覺緣  
佛願力故超出常倫諸地之行現前修習普賢之  
德以超出常倫諸地行故所以得速三證也以斯  
而推他力為增上緣得不然乎當復引例示自力  
他力相如人畏三塗故受持禁戒受持禁戒故能  
修禪定以禪定故修習神道以神道故能遊四天  
下如是等名為自力又如劣夫跨驢不上從轉輪

王行便乘虛空遊四天下無所障礙如是等名為  
他力遇我後之學者聞他力可乘當生信心勿自  
局分也無量壽修多羅優婆提舍願生偈略解義  
竟經始稱如是彰信為能入末言奉行表服膺事  
已論初歸禮明宗旨有由終云義竟示所詮理畢  
速作入殊於茲成例

論註下終

論註下

卷下

讚阿彌陀佛偈

曇鸞法師作

南無阿彌陀佛

釋名無量壽偈經  
奉讚亦曰安養

南無至心歸命禮西方阿彌陀佛

現在西方去此界

十萬億刹安樂土

佛世尊號阿彌陀

我願往生歸命禮

願共諸衆生往生安樂國

南無至心歸命禮西方阿彌陀佛

成佛已來歷十劫

壽命方將無有量

法身光輪遍法界

照世旨冥故頂禮

願共諸衆生往生安樂國

題号已  
下至曰  
安養真  
佛土卷  
註抄出  
亦曰安  
養四字  
一無

已下十  
三偈真  
佛上卷  
註抄出

南無至心歸命禮西方阿彌陀佛

智慧光明不可量

故佛又號無量光

有量諸相蒙光曉

是故瞽首真實明

願共諸衆生往生安樂國

南無至心歸命禮西方阿彌陀佛

解脫光輪無艱濟

故佛又號無邊光

蒙光觸者離有無

是故瞽首平等覺

願共諸衆生往生安樂國

南無至心歸命禮西方阿彌陀佛

光雲無礙如虛空

故佛又號無礙光

一切有礙蒙光澤

是故頂禮難思議

願共諸衆生往生安樂國

南無至心歸命禮西方阿彌陀佛

清淨光明無有對

故佛又號無對光

遇斯光者業繫除

是故瞽首畢竟依

願共諸衆生往生安樂國

南無至心歸命禮西方阿彌陀佛

佛光照耀最第一

故佛又號光炎王

三塗黑闇蒙光啓

是故頂禮大應供

願共諸衆生往生安樂國

願一作  
願一作  
願一作

南無至心歸命禮西方阿彌陀佛

道光明朗色超絕

故佛又號清淨光

一蒙光照罪垢除

皆得解脫故頂禮

願共諸衆生往生安樂國

南無至心歸命禮西方阿彌陀佛

慈光遐被施安樂

故佛又號歡喜光

光所至處得法喜

誓首頂禮大安慰

願共諸衆生往生安樂國

南無至心歸命禮西方阿彌陀佛

佛光能破無明闇

故佛又號智慧光

一切諸佛三乘衆

咸共歡譽故誓首

願共諸衆生往生安樂國

南無至心歸命禮西方阿彌陀佛

光明一切時普照

故佛又號不斷光

聞光力故心不斷

皆得往生故頂禮

願共諸衆生往生安樂國

南無至心歸命禮西方阿彌陀佛

其光除佛莫能測

故佛又號難思光

十方諸佛歎往生

稱其功德故誓首

願共諸衆生往生安樂國